

75200/82

# საგანგებო თავმოძრაობა

მ. შ. მ. ც. გ. რ. მ.  
საგანგებო  
თავმოძრაობა  
29 52

7

1940.  
12 6/12  
80320

ს უ ი ლ ი ს ი  
1940

პროლეტარებო ყველა ქვეყნისა, შეერთდით!

# ჩვენი თაობა

საქართველოს საბჭოთა მწერლების  
კავშირის ყოველთვიური ორგანო

564  
27

7



სახელმწიფო გამომცემლობა  
ტფილისი  
1940 წელი ივლისი

## შინაარსი:

### მხატვრული ლიტერატურა

83

გაბრიელ ჯაბუშანური — ლექსები . . . . .	3
იოსებ ნონეშვილი — ორი სონეტი . . . . .	6
შალვა ამისულაშვილი — დაკარგული ჩანგი . . . . .	8
კონსტანტინე ლორთქიფანიძე — უსიამოვნება . . . . .	10
ვლადიმერ უბილავა — მძინარე რაინდი . . . . .	18
ანდრო თევჯაძე — აქსარაში . . . . .	20
კოტე ხიმშიაშვილი — ჯონქა ხორნატული . . . . .	21
ვლადიმერ სულაბერიძე — მარადი ქოხის ამ- შენებელი . . . . .	30
ელიზბარ უბილავა — უსათაურონი . . . . .	31
ნინო რევაზიშვილი — სამგორი . . . . .	32
ადამ აღვანელი — ჩემი შემკვიდრება . . . . .	34

### კლასიკური მემკვიდრეობა

მ. ი. ლერმონტოვი — სიმღერა მეფე ივანე ვა- სილის-ძეზე, ახალგაზრდა ოპრიჩნიკ კირიბე- ევიჩსა და შამაც ვაჭარ კალაშნიკოვზე. თარ- გმანი კოლაუ ნადირაძისა . . . . .	37
--	----

### პროზა

გიორგი ნატროშვილი — გრიგოლ ორბელიანი . . . . .	51
--	----

---

სარედაქციო კოლეგია: **ასტვანცატურკვი მრამია, ბენაშვილი დი-  
მიტრი** (პასუხისმგებელი რედაქტორი), **ბრიშაშვილი იოსებ, კლდიაშვი-  
ლი სერგო, ძინაძე ლეო, ფენგელაია დემან, ჩიქოვანი სიმონ,**  
პასუხისმგებელი მდივანი: **ნიკოლოზ აბიაშვილი**

---

---

წარმოებას გადაეცა 15/VII-40 წ. ხელმოწერილია დასაბეჭდად 14/VIII-40 წ. ქალაქის  
ზომა 72 X 108. უურნალის ზომა 7 X 11½. ფორმათა რაოდენობა 4. შეკვეთის № 1335.  
უფ. 1115. ტირ. 4000.

---

სახელგამის პოლიგრაფიული კომბინატი, უორესის ქ. № 5.

# მხატვრული დიპლომატიკა

გაბრიელ ჯაბუშანიანი

## ლექსები

ვაჟასთან სათქმელი

შენ და ყაზბეგმა თითო რეულს  
გვიბოძეთ მე და ჩემს ამხანაგებს  
და ამის შემდეგ ვით ორეული  
თქვენი აჩრდილი მარად თანა გვდევს;  
ლამეს მალალი ფიქრით განათევს, —  
მოყვება დილის მძაფრი სურნელი  
და განთიადზე შემოგვანათებს  
მზერა მცდელი და მზერა მზრუნველი.  
ეს თქვენ ხართ! —  
გვემცნო ამაყ არწივთა  
ქვერტა მზიანი, თან ამაზრზენი  
და ჩვენს აკვნებსაც ამაღ არწევდით,  
რომ გვეწრთო მთები თამამ აზრებით.  
ამას რომ ვამბობ — თავს არ გადარებთ,  
გვწამს უფროსთადმი კრძალვა მთიელთა,  
თქვენ მთელი ხალხი გულით გატარებთ,  
როგორც რაინდებს ივერიელთა.  
ჩვენს წარსულ სვეზე ასგზის გვატირეთ;  
დღეს ნათელ დარით დანათირებნი;  
თქვენ ყველა მთები გადინადირეთ  
და ხალხს მიეცით ნანადირევი.  
მას ვერ დაამრობს უამთა გადავლა,  
დასტოვებ განძი — ზღვა უსასრულო,  
მიუშვდარია თქვენი ნასროლი  
და უსასრულო თქვენი ნადავლი.  
ჩვენც იმ გზებს მივდევთ —  
სად ნამუხლარი —  
თქვენი ატყვია მალალ ქარაფებს,  
მაგრამ ჩვენ ზმა გვაქვს თქვენგან უხმარი

და სხვა ტკივილი გვალაპარაკებს;  
თუმცა ერთია კვლავ ასპარეზი, —  
სხვაა მიზანი და იარაღი,  
სხვაა ნადირიც,  
როგორც თარეში  
მდორე მტკვრისა და გიჟი არაგვის.  
მინც რომ სიტყვა ხვითორეული  
ღარჩეს და ამ მთებს გაუთანაბრდეს: —  
თქვენი აჩრდილი, — ვით ორეული  
გვემეგზურა და მარად თანა გვდეგს.  
და თუ ჩვენ ხმაში მტრის დამზოგავი,  
ან დიაცური გაისმა ბერა —  
ჰხამს ის ხმაღს ეგოს, როგორც ხოგაი.  
ან მოვკლათ, — როგორც ძე ხევის ბერმა.  
შენ და ყაზბეგმა თითო რვეული  
გვიბოძეთ მე და ჩემს ამხანაგებს  
და ამის შემდეგ, ვით ორეული,  
თქვენი აჩრდილი მარად თანა გვდეგს.  
ჩვენც იმ გზებს მივღევთ, —  
სად ნამუხლარი —  
თქვენი ატყვია მაღალ ქარაფებს;  
მაგრამ ჩვენ ხმა გვაქვს თქვენგან უხმარი  
და სხვა მიზანი გვალაპარაკებს.

## ამინდის კალენდარი

1

ესდენ უღარობა ფშავს არ ღირსებია,  
მწყემსებს მოენატრათ მნათობის დანახვა,  
წვიმს და მეხი ხვივის — ეშმაკმა დალახვროს:  
შთაშიც ნისლეგია... ბარშიც ნისლეგია...  
კლდის თავზე კრავები დგანან პატარები  
და ერთი მათგანი დობილს ეუბნება:  
ნუ თუ ამ ჩვენს მწყემსებს არა აქვთ უფლება,  
რომ ზეცას ახლავე სთხოვონ გადარება?!!

2

დღეს ცა წმინდა არის თეთრი ბატკანივით,  
არაგვიც სიმშვიდით ბატკანს დაედარა,  
მზეც თეთრ ბატკანსა ჰგავს: — მოკლედ, გაიდარა,  
მშვიდად იყურება თეთრი შთათ განივი.  
იმავე კლდის თავზე სთვლემს ჩვენი ორი კრავი,  
ერთმა გაიგონა დედის ნაზი წვევა,  
სხვა კი ჩასჩურჩულებს: დაო, ნურსად წავალთ,  
თორემ თავს უცილოდ, წვიმაში გვიკრავენ...

მ. მ. მ. მ.  
ს. ს. ს. ს.  
მ. მ. მ. მ.

ისევ შეიმოსა შორი ცა მოვითა,  
 მე კი მერქარება ლექსი დავამთავრო:  
 არაგვს აეშალა ნისლების სამთავრო, —  
 მალე, შეიძლება, თქორი წამოვიდეს.

### გაზაფხულის თიოგლი

ობლად შერჩენილხარ მათათა სიმწვანეში,  
 როგორც უმკაცრესი ზამთრის მოგონება;  
 ფერი გეცრიცება ბალახთა წინაშე  
 და მზემ აცრემლება უხვად მოგანება.  
 ჭრელი ყვავილები, როგორც გოგონები —  
 გვერდზე გიცქერიან -- ფერადკაბიანნი;  
 შენს ქვეშ ბალახებიც მდურვას გაგონებენ:  
 თავი გაგვანებე... ჩვენ რად გვაგვიანებ??  
 თავთეთორ მწვერვალებს სთხოვ: ხლების მოგცენ ნება, —  
 მათთან დასახლება ხშირად გინატრია;  
 დღისით მზე გალღობს და არ გაქვს მოსვენება,  
 ზამთრის ქარ-ყინვა კი, ჰოი, ჯერ აღრეა...

იოსებ მონაზვილი

## მ რ ი ს მ ნ ა ვ ი

არსენას საფლავთან.

ძმებო, სიმღერა ძველისძველი, გულის მთაფლავი!..  
ბიჭი არსენა გაგვიწყრება ასე მდუმარედ.  
აქ ჩვენს წინაპართ დაუღვრიათ ცრემლი მდულარე,  
ჩვენ ყვავილებით შემოვქარგოთ მისი საფლავი.

ჩვენ ყვავილებით შემოვქარგოთ ათას-ნაირად  
შევკრათ გვირგვინი, მაგრამ ფულში დარდი არ იყოს.  
იქნებ გაიგოს მისმა ძელებმა, იქნებ გაიგოს,  
დაჰკარით დუდუქს, სტვირს იყოფა, რაც იშაირა.

დაჰკარით დუდუქს... შესანდობარს ამბობს თამადა,  
შესანდობარი წესადა გვაქვს მამა-პაპადან.  
დავლიოთ უნდა ხალხის გმირის და მეგობარის,

დავლიოთ უნდა, ცას შევეუდგათ ყანწების ბოლო,  
დავლიოთ უნდა,... მაგრამ რა აქვს შესანდობარი!?!..  
მდიდრებს ართმევდა და ღარიბებს აძლევდა მხოლოდ.

შაჰაბაზი.

დაასხი ღვინო, მალე ქვეყნად აღარ იქნება,  
აღარც ეგ ღვინო აღარც მსმელი,

ჰეი მერქიფეე.

შაჰაბაზი.

შენს ტირანობას სტრიქონები თუკი გადაშლის,  
წინაპართ ღვარძლი ჩემს ძარღვებში ისევ მოღვლავს.  
სწავადი ქვეყანას, გამოგქონდა დიბა-ატლასი

პარამხანაში ხათუნების შესამკობელად.  
გრძნობლი შაჰობაც განგებისგან რომ ვერ გიხსნიდა,  
მაშ რატომ გედგა ღვინის ჯამთან ჯამი სისხლისა?!..

როცა დაეცი პოეტ მეფეს მახვილთა ელვით,  
ო, რად არ იგრძენ პოეზიის წმინდა ნათელი.  
ო, რად არ იგრძენ... ხალხის სისხლით ისე დათვერი,  
თვით ფერეიდანს დააფრქვე ქართველთა ცრემლი.

მილიონების ბედილბალს რომ ხმალქვეშ ჰმონებდი,  
ბნელ სამარეში საგანძურად რა ჩაგყოლია!?!..  
სისხლიან პოეტს უკუღმართი გული გქონია,  
მიტომ უკულმა დაგიწერე მეც ეს სონეტი.



## დაკარგული ჩანგი

მონღოლური თვალეზი გაქვს, მონღოლური სახე,  
მონღოლურად იცი მზერა, ვის დაუგებ მახეს?!..  
ვინ იქნება შენი ლომი,  
შენი სანუკვარი?..  
ვინ იქნება, დაიმშვენოს ვეფხის ნამუხლარი?!..  
შენ რად გინდა შვილდისარი,  
ნუ დაჰფერვლავ იმედს,  
შენ ისედაც დააჩოქებ გაქანებულ ირემს!..  
დახვალ, თავზე დაგჩხრიალებს  
გადამდნარი ოქრო...  
გსურს: იარა გუშინდელი სიყვარულმა მოსპოს, —  
მაგრამ კიდევ გელანდება  
დაკარგული ჩანგი,  
არ იღევა, არა ჰქრება მწუხარების ქანგი...  
ვინ მოგპარა, ვინ წაიღო  
ვინ დაგტოვა მარტო?  
სხვა რა ბგერა შეათრთოლებს იაგუნდის ტატნობს?!..  
მე ვფიქრობდი: გიტაცებდა  
მხოლოდ ქარის ქოლა,  
უდაბნოში სიარული, დიუნებთან ბრძოლა.  
ქარავანის ქარავნობა,  
გვალვიანი სუნთქვა,  
თან ეფენების საუბარი შუალამის ბურთან...  
მე ვფიქრობდი: გიტაცებდა  
მხოლოდ თარის ხმები,  
მოჩხრიალე შადრევენები, დაბზარული ქვები,  
მზის უზანგი, მთვარის ბადე,  
ვარსკვლავების კრთომა,  
აზიური ნაპერწკალი, აზიური ტრფობა...  
თურმე ჩანგიც გყვარებია,  
მშობლიური ჩანგი,  
თურმე ბევრი მოგიხიბლავს ჯადოსნური ჰანგით...  
ნეტავ სადმე შემხვედროდი,

შენი ქება მეთქვა,  
ნეტავ შენთან მომესმინა ენძელების ფეთქვა!..  
სად წასულან ის დღეები,  
სად წასულან, მითხარ,  
ეგებ სიტყვით წამოვშალო, იგალობონ დიდხანს...  
კმარა სიზმრად ფიქრის ტანჯვა,  
კმარა, ჩემო, კარგო,  
დროა მზისფერ ჩუქურთმებით მომავალი ექარგოთ!..  
მე წუხელაც დამესიზმრა  
შენი ოქროს ჩანგი,  
ზღვა დელავდა, იქ არ იყავი მკლავდა შენი ჯავრი,  
ტალღას ჭაელი ჩაზვეოდა,  
აყდერებდა სიმებს;  
თოლიები ორეოდნენ, გემი თრთოდა მძიმედ...  
მოდო, გულს ნუ დაისყრავ  
შხამიანი დაშნით,  
მოდო, ვითომ შენი ჩანგი დაბინავდა ზღვაში...  
მერე რაა?.. ჩემი გულიც  
ზღვას ეკუთვნის მარად,  
ზღვაა ჩვენი შთაგონება. არ იღარდო, არა!

## უსიამოვნება

ტარასი უთენია გარბოდა სახლიდან.

გარბოდა მეგლივით კისერგაშენებული. გვერდზე მიხედვის ეშინოდა.

განგებ არ ამჩნევდა ნეხვით გადაშავებულ კოინდარს, ბაღში გადაქმულ ვერცხლისფერ „მაკოცეს“, გახშირებულ ჭინჭარს, თამამად რომ მოსდგომოდა შუშაბანდის კიბეს, თითქოს სახლში აბირებდა შესვლას.

ბაღის გვერდით ტალავერი იღვავ, იზაბელას ხუჭუჭა მტევნებით დახუნძული. ამ ტალავერში სტუმრის მიღება და ცოტა გადაკვრაც უყვარდა ტარასის. ახლა იგი უკანასკნელ ფოთლამდე გაეფცქვნათ უპატრონოდ მიტოვებულ თხებს.

ტარასი თვალს არიდებდა ღობეს: წაფერდილი სარები თითქოს ხელს იშვერდენ, აგვაყენეთო.

კარიც ველარ ჩამოჰკიდა ფეხსადგილს. სტუმარ კაცებს წვრილიანისკენ მიუძღვებოდენ ჩურჩულით მისი ბაღლები.

ბოსტანში ანწლი და გვიმრა თარეშობდა.

მინადორას ბავშვი ჰყავდა ძუძუზე.

ისიც დიდი იყო, რომ აბრეშუმს უვლიდა და სადილ-ვაზაშას აკეთებდა. ოჯახში დამარტოხელებულმა ქალმა იმდენიც ველარ მოიცალა, რომ სიზმრის ასახსნელად მეზობლებთან მაინც ვადასულობო.

შარშან ფელამუშობაზე ერთხელაც ვერ მოიარა დედულეთი.

ქათამი რომ ხეზე შეფრინდებოდა, ისიც მიეგდებოდა ქანცვაწყვეტილი. ბავშვი ტიროდა, მინადორას ხელი არ მიჰყვებოდა, რომ საკინძი გაეხსნა და ძუძუ მიეცა ჩვილისათვის.

გარეთ მთვარე ქათქათებდა, შემოდგომის ნელთბილი მთვარე. შარაზე ქალების თავაწყვეტილი კისკისი ისმოდა. ისინი კლუბში მიდიოდნენ. მინადორას გული წყდებოდა, რომ ასე გამოთიშული იყო ტოლებში.

ტარასი დილიდან საღამომდე ჭალაში ტრიალებდა. ღამესთან ერთად თუ შემოიხედავდა ოჯახში. ფეხზე ძილი ურჩევნოდა ცოლთან დაწოლას.

გაკაპასებული დედაცაცი თვალის მოხუჭვას არ აცლიდა. ანჯღრევდა, აფხიზლებდა, კოლოსავით ერთსა-და იმავეს ჩაზუზუნებდა.

— გძინავს, კაცო! ოი, შენ დაიძინე გაულვიძებლად! არ შეიძლება ასე, რამე უნდა გადავწყვიტოთ, გაოხრდა ყველაფერი.

\*) თავი რომანიდან „იმერეთი“.

ცოლი მართალი იყო. მათი ეზო-გარემო ნასახლარს ჰგავდა.

მინადორა წელზე ფეხს იდგამდა ცალუღელ ხარივით, რომ ტარასის ხელო არ შეშლოდა. კბილს კბილზე აჭერდა, ავი სიტყვა არ წამომცდესო, მაგრამ გაზაფხულზე კაცი ისე გაძვირდა ოჯახში, რომ ცოლმაც მოთმინება დაჰკარგა.

ერთხელ ღამით, როცა ისინი ძილისპირზე ტკბილად პუტუნობდნენ, მინადორამ მოულოდნელად იკითხა, როდის მოათავებთ სოციალიზმის შენებასო.

იკითხა უხუმროდ, ისე მიამიტად, რომ ტარასის სიცილი წასკდა.

— ბარე ათი თხუთმეტი წელი დაგვირდება, ჩემო მინადორა...

ტარასიმ სიტყვის დასრულებაც ვერ მოასწრო, რომ ცოლმა დაზაფრულივით შეჰკივლა:

— რაო, ხუთმეტი წელიწადიო! აბა ასე უნდა ვიწვალო ხუთმეტი წელიწადი?! რა გაცინებს შე არდასაცალბებლო, ჩემი ტანჯვა გახარებს?!

ჩაფეთქილ ლოყაზე ვარდისფერმა გადაჰკრა, გამხდარ კისერზე მუქილურჯი ძარღვები დაენაკვთა.

ტარასი ამშვიდებდა, ახალი ნერვები გავაშენეთ, — ვიდრე მოვაშინაურებთ, თვალს ვერ მოვაცილებთო, მაგრამ ძარღვებაშლილი ქალი ისე აცმაცურებდა ცხვირის ნესტოებს — კაცი იფიქრებდა, რამეს ყნოსავსო.

— ხუთმეტი, ხუთმეტი! — იმეორებდა ამ სათვალავს და ისე დაფეთებულ შესკქეროდა ქმარს, თითქოს ლოგინში უცხო მამაკაცი შესწოლოდა.

უცებ საბანი მოიგლიჯა, ჭილოფზე ჩამოხტა.

— დაბლა დეგდე, ნუ მაკარებ შენს მუნთან ფეხებს! — იყვირა და ქმარს ბუხრისპირას მიუგდო ლოგინი.

ტარასი აყალმაყალს ერიდებოდა. ცოლის ცხარე სიტყვას დამშვიდებულ პასუხს აგებებდა, რთველის შემდეგ ცისადამიწის წყალობას პირდებოდა, მაგრამ არ შეგუქამა ჭირმა, მინადორას ვერაფერი შეასმინა. დილიდანვე, მარტის თოვლჰყავივით რომ ატყდებოდა, გადაღებას არ აღირსებდა კაცს.

ერთხელ ჭალიდან დაბრუნებულმა ტარასიმ ვიღაც ჩოფურა ბიჭი შენიშნა უკანა ეზოში, უშნოდანწოწილი, ფეხშიშველა, — შემას ჩეხდა. მუხლისთავები უჩანდა, ისე შემოდნობოდა ტანზე ორივე შარვალი. ერთი ნიფხვის მაგივრად ეცვა.

მხოლოდ ხალათი ემოსა რივიანი. ის ხალათიც თავისად ენიშნა ტარასის ვინ არისო, ჰკითხა ცოლს გაკვირებულმა.

— ძიძიშვილი მესტუმრა. ღარიბია, საწყალი! მადლია მისი პატივისცემა, — მიუგო ცოლმა.

— ბარემ შარვალიც მიგეცა, შე ქალო.

— ჭე მინდოდა, მარა უკითხავად ვერ გავბედე.

ცოლის მშვიდობიანმა კილომ ტარასი მოხიბლა.

— რა კითხვა უნდა მაგას. — აღერსიანად უსაყვედურა და ჩოფურა ბიჭს თავათ გამოუძებნა შარვალი.

ძიძიშვილის ჩამოსვლის შემდეგ მინადორა სულ ერთიანად გამოიცვალა. უწინდებურად აღარ ბუზღუნებდა.

ახალი სხივი ჩადგომოდა თვალებში და ისე დამტკბარი ხვდებოდა ტარასის, თითქოს გუშინდელი პატარძალი ყოფილიყოს.

ცოლთან ერთად კარმიდამოსაც ეცვალა ფერი. ბაღს მოვლა დაეტყო, ვენახიც გაითოხნა და ლობეში წაფერდილი სარებიც გასწორდნენ.

„კერის ანგელოსი მომეველინა,“ ფიქრობდა გახარებული ტარაში და ძიძიშვილს პატივისცემას არ აკლებდა.

ვერ ამხელდა, თორემ გულით ძალიან უნდოდა, ჩოფურა ბიჭი მასთან დარჩენილიყო მოსავლის აღებამდე.

\*

\* \*

სიცხისაგან შეღონებული ტარასი უღონოდ ჩაკეცილიყო უნაგირზე. სწყუროდა.

ცხენის მსურვალე, ოფლიანი ფერდები წვივებს უდაგავდა. ფეხები ფართოდ ვაეჩაჩხა და პირქუფრად შესცქეროდა ავრონომის ნაცრისფერ ჯორს, ხალისიანად რომ მიჩიქიქებდა ბილიკზე.

ტყიდან რომ გავიდნენ, ტარასი ოდნავ ჩამორჩა და უზანგებზე აიმართა, იქნებ სადმე ჭის ორთაყვარი გამოჩნდესო; მაგრამ მოსახლეს რა უნდოდა ამ დასაკარგავში.

გარშემო, სანამ თვალი მიწვდებოდა, ჯეჯილივით გადამწვანებულ ო მინდორი ღელავდა. ასე მოსჩანდა შორიდან მრავალგზის შეჩვენებული ანარია, ჭალითა და ლაქაშებით თავმორთული და ასე უენებული ერთი შეხედვით.

ლაქაშებს შორის თბილი და მწვანე — დუბელა წყალი იხედებოდა, და ამ ლაქაშებს, მიმდნარ ბუჩქებს, ყველაფერს, რაც ოდნავ მიწას აშორებოდა, ისეთი სქელი და შმორიანი ოხშივარი დაფარფატებდა თავზე, თითქოს უზარმაზარი უთოთი მიწაზე გაფენილ ძონძებს აშრობენო. მაგრამ რა გააშრობდა ამ უქმურს ბუდეს, სადაც წელიწადში ორასორმოცდაათი დღე წვიმიანი იყო და მდინარის დონე ნიადაგზე მაღალი.

ოდესღაც ანარიაში რაჭველები გადმოსახლდნენ.

რკინიგზის მახლობლად პატარა სოფელი მოიცოდვილეს. უღმობელმა ციებცხელეებამ მალე დარია ხელი გადმოსახლებულებს.

დაღრეკილი ქოხმახები ანარიას ხაშმიანმა სუნთქვამ დანერწყვა.

ლოგინი დანამულს ჰგავდა, შეშას ცეცხლი არ ეკიდებოდა და ადამიანიც ღრუბელივით იჟღენთებოდა ნესტით.

დაჯდებოდა კაცი სადილად და ცალხელში შეფოთილი ტოტი ეჭირა: რომ კოლო მოვეგრებინა. აქაური მოსახლის კარმიდამოში კოლო უფრო ხშირი იყო, ვიდრე ფოთოლი.

ნასადილევს დაეარდებოდა კაცი საწოლზე, ცოლი აყრიდა თავზე საბნებს, ბალიშებს, რაღაც ძველმანებს... მაინც ვერ თბებოდა თავარა სიცხეში და მისი აბორგებული სხეული ლეწავდა ბამბუკის საწოლს და თვითონაც ილწებოდა, დასახურავს ითხოვდა.

სადამოსუამს წამოდებოდა დაბეჟილი, გასავათეშული, თითქოს გახელქეზულ კამეჩთან ებრძოლოს.

ჩაცვენილ თვალეში უქმურის სხივი ჩაქსოვებოდა, შაკიკით გაოგნებულს, წელის დაღება უმძიმდა, თოხი ხელიდან უვარდებოდა.

ავდარში ავზნიანად სისინებდნენ მაღალი ლაქაშები და ადიდებული გუბისწყალი ურა-ცხენივით შემოვარდებოდა ყანებში.

მერე ამ მოთარეშებულ მინდვრებზე გაჩნდებოდნენ ბაყაყები, გადამწენების შემადრწუნებელი მოთქმით ავსებდნენ ანარიას უძილო ღამეებს.

და მამინ მამაკაცები სტოვებდნენ სახლკარს, დლიურ ქირაზე დაძრწოდნენ იმერეთის ქალაქებში. კეყერას ფხალით შუბლგაყრული ქალები ლანდებივით დაფრატუნებდნენ წალეკილ ყანებში და როგორც წაქცეულ ბავშვებს, ზეზე აყენებდნენ ალერსიანად ზოგან გადარჩენილ სიმინდს, თხრიდნენ შლამში ჩამარხულ კვახებს.

აქაურ ქალიშვილს სხვაგან გათხოვება არ ეწერა.

რომელი სოფელი ისურვებდა ამ უქმურის კერძის პატარძლობას, რომელსაც მზითვად მამალი ციება მოჰქონდა მხოლოდ.

მშიერ-მწყურვალი ბაღლები ტანში დასრულებას ვერ ასწრებდნენ, რომ უკვე ბერდებოდნენ უდროოდ გახედნილი მოზვერებით.

პანტა-მსხალივით ეფინებოდნენ მიწას მგელმუხლა მთიელები და მაინც ებრძოდნენ უკეთურ ბუნებას, როგორც მარცვალი ებრძვის დავვალულ ნიადაგს, რომ გაღვივდეს და აღმოცენდეს.

ქოხებზე — გაქვარტლული, დაძენილი ისლი, ყვავის ბუდესავით ჩამოშლილი.

მორეცილ სარზე — ცხენის თავის ქალა, ავი თვალისა და მანენ ფეხისაგან.

ეზოში — ტყირპისაგან მუცელდაბერილი ბაღლები.

ოჯახს სული ხდებოდა ვალში და როცა სადმე ბიჭუკელა ღირეზე ჩამოჯდებოდა სათამაზოდ, უფროსები მყისვე დაუტატანებდნენ, ადრე, მევალემ არ მოგვაკითხოსო.

„ისე ვიტანჯებით, თითქოს საფულავში გავიღვიძეთო! — ამბობდნენ ანარიელები და გმობდნენ ქვეყნის გაჩენას, სადაც წელიწადში ორასორმოცდაათი დღე წვიმიანი იყო და მდინარის დონე, ნიადაგზე მაღალი.

ბევრი ამოწყდა. დანარჩენებმა მიყიდ-მოყიდეს, რისი წაღებაც არ შეიძლებოდა და კახეთს შეეხიზნენ უკეთესი ბედის საძებნელად.

უდროო საფლავის ჯვრები დარჩა მხოლოდ რაჭველების ნასახლარზე.

ასე გადამწენდა. ცოდვის დღეზე გადმოსახლებული სოფელი.

მახლობელი სოფლები ჭირის დღესავით გაურბოდნენ ანარიას. მისი ტევრანის ქაობები საფეხ იყო გარეული ფრინველით, მაგრამ მხოლოდ თავზნეხელაღებული მონადირე თუ გაბედავდა ანარიას უქმური მყუდროების შემფოთებას..

ტარასის ძლიერ უკვირდა, რომ აგრონომი ამ უკაცურ ადგილებს ეტანებოდა.

თავისთავს ტუქსავდა, რომ დღესაც გაბრიყვდა და გეგელისა აედევნა.

გული ვერ ეხმო, რისთვის დალოდავდა ეს მოუსვენარი მოხუცი ამ დასაკარგავში.

აგრონომმა ერთხელაც არ გაუზიარა გულის-ნადები.

მარტო მეგზურად გინდებვარო; უსაყვედურა წუხელ გეგელისა; გადასწყვიტა, არსად გაჰყოლოდა ამიერიდან, მაგრამ დილით შენიშნა თუ არა ოროლობეში ნაცრისფერი ჯორი; გულმა აღარ გაუძლო და თავისი იიროლაც სწრაფად შეკაზმა.

აგრონომს ფონთან დაეწია და ცალყბად მიაშავა:

— ხომ ჩამიგლე ხელში, რაღა გიქირს!

— როგორ გეკადრება, ტარასი! — დაუყვირა მოხუცმა, პირზე ვარდი გადაიფინა.

— ასე უღმერთოდ დამაინტერესე და არც არაფერს მეუბნები!

— ბევრი ცოდნა მალე დაგაბერებს — აგრონომმა სიტყვა ბანზე აუგდო და სახე მოარიდა, რომ მუხთალი ღიმილი დაემალა.

— დავბრუნდები, შენს ნათლულს გეფიცები!

— შენი ნებაა, თუ გული მოგცემს და მარტო გამიშვებ ამ სკვარამში!

— რა ლჯუ ხარ!..

ასე კინკლაობდენ, სანამ ქალას გალევდენ.

მერე აგრონომმა საველე ჩანთიდან რუქა ამოიღო და ფანქარი მოიმარჯვა.

ისე გაერთო, ტარასი კიდევ მიავიწყდა.

შუადღე მოძალდა.

კოლობის გაბმული ზუზუნნი ლითონივით ქვრივობდა ჰაერში.

წინაღამით უძინარ ტარასის თვლემა კისერს სტეხდა.

ჩამოქვეითებას აპირებდა; შუადღე გადავიჩრდილოთო, ურჩია აგრონომს, მაგრამ პასუხის მაგივრად თანამგზავრი ჯორს შეუწყრა.

ტარასის შერცხვა და თვითონაც ჩამოჰკრა აღვირი ნებაზემიშვებულ იორღას.

რკინიგზას რომ მიადწიეს, აგრონომმა რაჭველების ნასახლარს შემოუარა; გულდასმით შეათვალიერა ჩაქცეული არხი და რუქაზე რალაც აღნიშნა. ჭილოფის ქუდს მარაოსავით იჭრიალებდა ცხვირწინ.

ტარასი თვალს არ აშორებდა აფუსფუსებულ მოხუცს.

უკვირდა, საიდან ჰქონდა ამ ბერიკაცს ამდენი ჭარმაგობა, რომ ყველაფერში ხელს ურევდა, ყველგან ასწრებდა და ისე მონდომებით ეტანებოდა ყოველგვარ საქმეს, თითქოს თავის იაცდენილ ახალგაზრდობას ინაზღაურებდა.

— ხედავ? — მობრუნდა უცებ აგრონომი და მათრახით სივრცე შემოხაზა.

— რას? — ვერ მიხვდა ტარასი.

აგრონომმა ჩაიციხა და არაფერი უპასუხა.

ჭაობში რომ შევიდნენ, ტარასის სული შეუფუბდა სიციხისაგან, თითქოს ვახუტრებულ თონეს ჩასცქეროდა.

თხემლის ჩრდილში ცხენი შეაყენა.

შორიახლო მოშამბულ ბექობზე ჩაბალახიანი კაცი შენიშნა.

უცნობი შარვალს იკარწახებდა. მისი თეთრი და ხმელი კანკები გალობრილი ეკლისხის ჯოხებს ჰგავდა.

ჭაობში ჩავიდა. წყალი კოჭამდე წვდებოდა, მაგრამ სარივით დარჭობილი კაცი თანდათან ეფლობოდა ჭაობში.

მუხლამდე რომ ჩაეშვა, ნაპირს ჯოხი მიაბჯინა და გარინდდა.

ერთხანს ასე უძრავად იდგა. მერე ნაპირზე გამოვიდა.

ახლა მისი კანკები კარგად დანახშირებულ მორგევებს მოგაგონებდათ. უფრო გამსხვილებულიყვნენ და შავად ეღვარებდნენ მზეზე.

„წურბლებს იჭერს!“ — მიხვდა ტარასი და ცხენი ბექობისაკენ მიაბრუნა. მეწურბლემ შენიშნა მისკენ მომავალი ცხენოსანი, რატომღაც დაფრთხა და ბუჩქებს მოეფარა.

სწრაფად დაყარა კანჭებზე მოკიდებული გამხდარი წურბლები; მერე დაბნეულად მიმოიხედა, თითქოს გასაქცევს ეძებდა. ადგილი მოიცვალა და უფრო მოიხარა. ეტყობოდა, არ უნდოდა ტარასისთან შეხვედრა. ქილას თავი მოუკრა და ბორცვებზე ზტუნვით რყინიგზას მიაწურა.

ტარასი ვაოცდა. უზანგებზე აიშარათა და გაქცეულს თვალი ჰკიდა.

„რატომ გამექცა?! — გაიფიქრა და საეჭვოთ ეჩვენა ჩაბალახიანის უცნაური მოქმედება.

ბუნდად ივრძნო, რომ მეწურბლე მას ემალებოდა, პირადად ტარასის. ეს უცაბედი გუმანი არ თავსდებოდა უბრალო ცნობისმოყვარეობის ფარგლებში. ამიტომ ცხენს ქუსლი შემოჰკრა და უცნობს გამოუდგა.

რატომღაც დაიჯერა, რომ ჩაბალახიანის გაქცევა შავიშვილების წერილთან იყო დაკავშირებული.

ერთი ცუდი ზნე სჭირდა ტარასის, როგორც ყოველ ეჭვიანს:

უბრალო ამბავში მთელი შეთქმულება ელანდებოდა..

კარის ქრიალში თავდასხმა ეჩვენებოდა.

ასე დასჩემდა შავიშვილების წერილის შემდეგ.

ეს გადაჭარბებული სიფრთხილე შავიშვილების სულმდაბლობით იყო გამოწვეული. ყაჩაღი ძმები პირისპირ შეხვედრას გაუბრძოდნ.

მათი საყვარელი ხერხი იყო, — ბნელი ღამით გამოძახება..

ყველას რომ ეძინა, ძმები შემოღამებულ სტუმრებივით მიადგებოდნენ ათვალწუნებულ ოჯახს; „მინძელოს“ ძახილით თვალში ამოდებულ მსხვერპლს გარეთ გამოიტყუებდნ და იქვე ამოხდიდნ სულს ლაფაროში ჩასაფრებულნი.

ამბობდნ — „მინძელოს“ დასაძახებლად შავიშვილებს რამდენიმე კაცი ჰყავდათ აჩენილი ახლომახლო სოფლებში.

კაცის მოსაკლავად ძმები ხანჯალს ხმარობდნ. ხანჯალი უხმო იყო და უმტყუნო.

ტარასის არ უნდოდა, ასე უსახელოდ წახდენილიყო შავიშვილების ხელით.

ფრთხილად ეჭირა თავი, რადგან ყაჩაღებს სახით არ იცნობდა. ღამით უცნობს რომ გადაჰყროდა, ხელი ჯიბისაკენ მიჰქონდა.

მეწურბლე ვარბოდა. თეთრი ჩაბალახი კარგახანს ელავდა ბუჩქებში. მერე უცებ ვაპჭრა და ტარასიც აჩქარდა.

„გზირი მომიჩინეს“, — ფიქრობდა იგი და მოურიდებლად მიაპობდა კატაბარდებს, მაგრამ მალე შეფერხდა.

ცხენი ჭანჭრობში ეფლობოდა და ფეხის ამოღება ისე უჭირდა; თითქოს მთელი ქვესკნელი ჩაფრენოდა და ქვევით ექაჩებოდა.

გულდაწყვეტილმა დეენას თავი მიანება, მშრალზე გამოფრდა.

ხელმარჯვნივ ჩაბალახი გამოუკრათა.

უცნობი ისევ ბეჭობისაკენ მიიწინააღმდეგებდა. შუაგზაზე მხარნაქცევით შესდგა და ყოყმანის შემდეგ გუბისწყლისაკენ გაემართა.

ტარასის ბოროტად გაეღიმა.

მიხვდა, ჭაობში ჩაქეტილი უცნობი გასაყალას ეძებდა.

ერთად-ერთი ბილიკი, რომლითაც მონადირე ჭაობის სიღრმეში შედიოდა, გუბისწყალთან იწყებოდა, აშკარა იყო, ჩაბალახიანი ამ ბილიკს ეძებდა.



გახარებული ტარასიც გუბისწყლისაკენ გაძუნძულდა. ჭაობის ბილიკი წისქვილთან გამოდიოდა.

ისინი წისქვილთან უნდა შეხვედროდენ ერთმანეთს.

ისინი შეხვედნენ...

როგორ განცვიფრდა ტარასი, როცა წისქვილის არხზე ტალახში ამოგინგლული, ოფლადგახეთქილი დახუნდარა გადმოხტა.

ხელში მოზრდილა ჭილა ეჭირა.

ქილაში გამხდარი წურბელები ხვანცალობდნენ.

„აი, თურმე ვინ ყოფილა!“ — ტარასის შერცხვა: გზირის მაგივრად დახუნდარა შერჩა ხელში.

რევოლვერი ჯიბეში ჩაიდო და გულამოვარდნილ კოლმეურნეს სუსხიანად შეაცქერდა.

კოლექტივში შესვლის შემდეგ დახუნდარამ მაინც არ მოიშალა მისებური. წუწყობდა, ილღიტებოდა. თვალს რომ მოაცილებდნენ, მაშინვე ანარიამში გარბოდა. წურბელებს იჭერდა, საჭილოფე ჭილს თიბავდა და ხონის ბაზარზე გაჰქონდა.

ტარასის დანახვაზე დახუნდარა წახდა. ეშმაკური პირისახე შებრალების გამომთხოვ ღიმილში ჩაუდნა.

— თავი არ იმართლო! — გააფრთხილა ტარასიმ.

მაგრამ დახუნდარა უკვე აქაქანდა, კოხივით დაუშინა.

— გუთანი გაფუჭდა, ტარასი. ვიფიჭრე, შეკეთებამდე ცოტას გავერთობი-თქვა და აქეთ გამოვისიერნე. ტყვილა ვიჯექი თორემ გუთანს რაღა მივატოვებდი...

— მიჰქარავ! — ხმადაბლა მოუჭრა კოლმეურნეობის თავმჯდომარემ.

— სინდისი შემირცხვეს...

— რომელი სინდისი, შე ვაჭრუკანა, რომელი...

— რა ვქნა, აბა! — იყვია დახუნდარამ და წელში გასწორდა.

დაეშალა პირისახეზე ქლესურად შეყრილი ნაოჭები; მთელი მისი აღნაგობა მკაცრი და შემტევი გახდა.

— რა ვქნა! — გაიმეორა და ტარასის თვალი გაუსწორა: — კოლექტივის თავმჯდომარე რომ ვიყო, იცოცხლე, მეც დავიყენებდი მოჯამაგირეს!

— რომელი მოჯამაგირე, ხომ არ ვაგვიყდი, ბიჭო!

— რომელი და შენი ქალბატონი ძიძიშვილს რომ ეძახის ხალხის თვალისასახვევად. ის ბიჭი დღესაც აღმასკომში იყო, ქალაღებში გამატარეთო. თურმე შენთვის ყველაფერი შეიძლება! კაცი ბუასილმა მომკლა და ნებას არ მაძლევთ, ორი ღერი წურბელა სატკივარზე მივიყინო! თუ ასეა, მეც ჩევეწერები პარტიაში და მორჩა...

\*

\* \*

გულამდგომელი ტარასი დიდხანს იდგა წისქვილთან.

„სულელი დედაკაცი!“ — გაიფიჭრა და საყელო გაიხსნა, თუმცა უკვე გრილოდა, ბინდებოდა.

ღამით ზენაქარი ამოვარდა.

ფიჭრად წასული ტარასი მთვრალივით ირწეოდა უნაგირზე.

სოფლის სიაზლოვით გახარებული ცხენი თავს ართმევდა, სულწასულად ფრუტუნებდა. მისი ჩქარი თოხარიკი ტარასის ფიჭრებს უფანტავდა.

სწუხდა კაცი და ცდილობდა ცხენი ნელა ეტარებინა.

— „რავა გამიბედა, რავა არ მკითხა!“ — ბუტბუტებდა ტარასი და სისხლი ეყინებოდა, რაიკომის მდივნის დამცინავ თვალებს რომ გაიხსენებდა.

კიდევ რომ გამაართლდეს, სოფლის ენას რა მოთოკავს! ბრუნდი და მართალი მუდამ წამოაკრავს, მოჯამავირე დაიყენე და ხალხის თვალისასახვევად ძიძიშვილად გამოაცხადეო.

„თმებით ვათრევე იმ ვაოხრებულს!“ — აღმოხდა ფიქრებში გაცბუნებულს.

გვერდით მიმავალი გეგელია უნაგირიდან გადმოიხარა და ყურში ჩასძახა: — რამდენი?

ქარის გადაყვირებას ცდილობდა.

ტარასი გამოერკვა. შერცხვა და სწრაფად გამოეხმაურა:

— რა რამდენი!

— დაყრუვდი, კაცო! რამდენი მუშა ხელი გყავს კოლექტივში?

— ორმოცდაორი ქალებიანად...

— გავწვდებით, თუ მოვინდომებთ! შენ რას იტყვი?

„რა უნდა, რას მეკითხება!“ — გულის ტკივილით გაიფიქრა ტარასიმ.

ძალა არ შესწევდა, ყური დაეგდო აგრონომისათვის. ესმოდა მისი აღტაცებული ლაპარაკი, მაგრამ აზრის გამოტანა უჭირდა.

ქარისა და სიბნელის გამო, აგრონომმაც ვერ შენიშნა, რომ ტარასის გული ჩაეთხრო და ამ ქვეყანას არ იყო.

ისინი ისე დაშორდნენ ერთმანეთს, რომ კოლმეურნეობის თავჯდომარეს არც გაუგია, რა გაბედული გეგმა ჩაისახა ამ საღამოს გეგელიას მოუსვენარ გონებაში.

მხოლოდ ერთი მწვავე და მოუთმენარი სურვილი აპირთავებდა ტარასის: რაც შეიძლება ჩქარა მისულიყო შინ...

ბოგირზე ჩამოქვეითდა.

ჭიშკარს ალებდა. ერთბაშად ურდულს ხელი მოსწყვიტა, ცხენი ღობეზე მიაბა და უკანვე გაბრუნდა.

გულმა უთხრა, ასე გახელებული ოჯახში არ უნდა შესულიყო. არ ივარგებდა, თავს ვერ შეიკავებდა.

ეწადა დამშვიდებულიყო, რომ ოდნავ მაინც განელებოდა ცოლის თვალთმაქცობით აღძრული ბრაზი.

„სულელი, სულელი!“ — არწმუნებდა ტარასი თავისთავს, რადგან სულელს მეტი ეპატიებოდა.

ღამე სავსე იყო ქარით და ჩატაროებული ყანის შრიალით.

ტარასი ბოლთას სცემდა შარაზე.

ფიქრობდა ცოლზე. ცდილობდა კარგი ეფიქრა მხოლოდ. ამიტომ შარშანდელი წელიწადი გაიხსენა. რა მორჩილად გაჰყვა მაშინ ავადმყოფი მინდო. რა მეფფოთარ ქალებს ნაკადის გასაწმენდად! მერე იყო და ნაღველი ჩაექცა ხონში სირბილით, რომ საბავშვო ბავა მოეწყო. სათითაოდ ჩამოითხოვა იმდენი ავეჯი და თეთრეული...

შარაზე ჭადრების ჩრდილი ეფინა. ჩრდილი შავი იყო, მიწა თეთრი...

ფიქრადწასულმა ტარასიმ ორჯერ ისკუპა ჩრდილიდან ჩრდილზე.

წუმპე ეგონა მთვარისგან გაქათქათებული მიწა.

## მძინარე რაინდი

არაგვის პირზე ჩაეძინა ოდესღაც ქალაქს,  
თვლემს რაინდივით ათასეულ წლების კალთაში,  
ზედ შედნობია ფარ-აბჯარი ზმალი, ქარქაში,  
მაინც თვლემს მშვიდად, გაღვიძების სურვილი არ აქვს.

მაგრამ იძინოს! დაღლილია, კითხეთ ამ არაგვს,  
როგორ გაჰქონდა იმის ხანჯლებს ომში კაშკაში,  
როცა პომპეოსს, მაკედონელს დახვდა ვაჟკაცი.  
დასცა ყველანი, მოითენთა და სძინავს წყნარად.

და ესიზმრება ახლა ასე: აგერ მტკვრის პირას  
დგას რაინდულად სხვა ქალაქი, ნათელში ბრწყინავს,  
იგი იზრდება, სიცოცხლით დულს, ჰყვავის დიადი.

და თან იგონებს ამ მძინარე არაგველ რაინდს,  
ვინც ქართლოსელნი აარიდა ბევრ მსუსხავ ამინდს,  
თვითონ თვლემს, თუმცა დასდგომია თავს განთიადი.

### დაბრუნებისას

დაბრუნებისას მჯერა, აქ მართლაც  
ჩემი ბავშვობის ყიჟინა ისმის,  
მე ყურს დავუგდებ ნიავის ფართქალს  
და ყრმობის ზმაზე ლუღუნებს ისიც.  
სალამი მინდვრებს, რომელთაც ბავშვმა  
შეეავლე ახლადგახსნილი თვალი;  
დღეს მინდა ვნახო, მახლობელ ფშანთან  
ჩემი ბაღლობის თუ დარჩა კვალი.  
ასე მჩვევია — ფიქრი ფრთიანი  
ამიტანს უცებ ამ მიწა-წყალზე,  
მე დამყვა კოლხურ ზეცის ტრფიალი.

მოველ და შუქი მადგება თვალზე.  
მხედება მიურნე... ველში, ბაღნარში  
ბულბულის ჰანგთა მესმის წყრიალი;  
ვუმზერ — თავთავთა ნელი თაშაშით  
შემეგებება ყანა ცვრიანი.  
სალაში მინდვრებს, რომელთაც ბაღლმა,  
შეველე ახლადგახსნილი თვალი!  
მოდი, დაჰქროლე, ნიაფო: ბაღნარს,  
ასე ჰქრის ჩემი ოცნება მალი!  
დაფიქრდით თვითონ პოეტმა რა თქვას,  
თუ აღტაცებამ შეიპყრო ასე.  
მე აქ ყურს ვუგდებ ნიაფის ფართქალს —  
ლულუნებს ყრმობის და ლექსის ხმაზე.

### როგორც კაკაბი შემღერის ირემს

ამბობენ თურმე ფრთხილი კაკაბი  
ხოტბებს შემღერის მთასწყვირალ ირემს  
და, როგორც ტყიდან წყარო კამკამით,  
ჰანგები წყრიალს არ წყვეტენ მცირედ.  
რას მღერენ თუნდაც მიოლალურები,  
ესეც ქება ვინმეზე იქნებ;  
მთვარის ატლასით შევიბურები  
და მივეცემი მეც შენზე ფიქრებს.  
მხიბლავდა წინათ ვარდი, ბულბული.  
ნეტა კვლავ ვაყო გულჩვილი ბავშვი!  
დღეს შენ გაპყრივარ... გულის გუგუნით  
გამოვვარდები დაბურულ ბაღში.  
მაგრამ რა მოხდა! მე თავს ვიკავებ,  
მსურს დაფიქრება, დავმშვიდდე მცირედ;  
და ლექსებს გიმღერ, როგორც კაკაბი  
შემღერის თურმე მთასწყვირალ ირემს!

## აჭარაში

ამ ზღვის ტალღებს და ამ სპეტაკ ნიავს  
ლალი ფიქრები მოაქვს და მიაქვს.

აქ ყველაფერი მზით იფერება,  
ქვებიც კი გრძნობენ ბედნიერებას.

არც ღრუბელი სჩანს, არც არის ქარი,  
ზღვა მაინც არის მოუსვენარი.

ტალღაც ისწრაფვის ნაზოს ეს მხარე,  
მოვა და კლდესთან გადიხარხარებს.

შორს რქებაყრილი მისცურავს გემი  
და სადღაც მიაქვს ოცნება ჩემი.

ფერხულს თამაშობს ტალღების ჯარი  
და დინჯად უცქერს მთები აჭარის.

ნარინჯოვნების მწვანე ქსოვილი  
ფორთოხლებითა მოოქროვილი.

ცა შეპარვია ამ დილით დარაჯს  
და ვარსკვლავებით ბალში დამჯდარა.

ლალი აჭარა ახარებს ამ გულს,  
აქ ვერ გააჩნევ ზამთარს და ზაფხულს.

მახარებს ხალხის ბედნიერება,  
რომ გაიხარეს ჩაგრულ ერებმა.

რომ აჭარასაც დასცქერს ცა ლილღს,  
და ამ ცაზეა — შუქი სტალინის.

## ჯონქა სორნაული \*)

### II

#### შარშანდელი ბუზები

ავტომანქანა გზისპირად მარტოდ მდგარ სახლთან გაჩერებულიყო.

ალფეზი მანქანიდან ჩამოვიდა და პატრონის დანახვაზე ჯონქას ფეხებთან ძაღლები აწრიალდნენ. ერთსართულიანი, თეთრად შეღესილი სახლი, ვიწრო სარკმელებიდან გამოძკრთალი მოწითალო სინათლეებით და უკან მიდგმული თავლითა და ფიცრული შენობებით განთიადის ბურუსში ძველ ფუნდუქსა ჰგავდა, დაღლილ მგზავრებს რომ შეხედებათ ხოლმე ასწლიან რომანებში. კრამიტის სახურავზე მტრედისფერი ბოლი წყნარად ეხვეოდა გამჭვარტლულ საკვამურს; ფუნდუქის კართან ბომბორა, თეთრი ნაგაზი ჩაცუცქულიყო ჯაჭვით დაბმული და ბევრი ყეფისაგან ნაღვინევი კაცივით ხმაჩახლეჩილი წკავეწკავებდა. სადღაც, თავლის უკან, გრძელი პაუზებით ჰყიოდა მამალი.

— სადა ვართ? — ჰკითხა ჯონქამ მასავით ნამძინარევე შოფერს.

— თეთრ ღუქანში, — ზანტად მიუგო შოფერმა და მანქანიდან ძირს ჩავიდა. ძაღლები სწრაფად გასხლტნენ გაღებულ კარში და კუდის ქიცივით ალფეზთან მიიჭრნენ. ჩიქოვანი, მესამე თანამგზავართან ერთად, მოკლე ბოლთასა სცემდა მუხლის გასამართავად. ჯონქამ მხოლოდ ახლა შეათვალა ირა ის მესამე. უცნობს რქის სათვალეები ეკეთა, ბეწვის საყელოიან პალტოში ჩაემალა ნიკაპი და ჯიბეებში ზელჩაწყობილი გვერდით დაჰყვებოდა ჩიქოვანს. განთიადის სიცივე საკმაოდ საგრძნობი იყო; ჯონქაც ჩამოვიდა მანქანიდან და შეცივულმა ზელების შემუშვნით გაიარა მოჭირხლულ შარაზე. პირი გამომშრალი ჰქონდა, თავი უმძიმდა წუხანდელ ნასვამსა და გამოუძინებელს.

— შენ ახლა ნაბახურევი ხარ, ხასიათზე ვერ იქნები. — გაუღიმა ალფეზმა, — არა უშავს, თითო კონიაკი გადავკრათ — გაივლის...

შოფერმა ძრავს სარქველი ახადა და ჩხრეკა დაუწყო. ალფეზმა სანადირო აბგა გადმოიღო მანქანიდან და მგზავრებმა ნელი ნაბიჯით მიაშურეს თეთრ ღუქანს. მათ მიახლოებებაზე ნაგაზმა ჯაჭვი დასქიმა, ხრიალით გამოიწია აცმუკებულ შეძებრებისკენ, მაგრამ ხმაურზე ფარაჯაწამოსხმული კაცი გამოეგებათ ფუნდუქიდან, ანჩხლი მასპინძელი ჯაჭვით გვერდზე გაათრია და ორივე

\*) იხ. „ჩვენი თაობა“ № 4 და 5.

ხელით იჭერდა, სანამ მგზავრები ფუნდუკში შევიდოდნენ, თორემ სეტყრებთან მისი გაცნობა მშვიდობიანად არ ჩაივლიდა.

ფუნდუკში არც თუ მყუდროება იგრძნობოდა და არც სისუფთავე იყო. სიცივიდან შემოსულ კაცზე მაინც დამამშვიდებლად მოქმედებდნენ კარდახშული შენობის სითბო, კვამლისა და თევზის სუნის და ლიფლიფის სუსტი სინათლე. კუთხეებში ბინდბუნდი იდგა და მაგიდების ქვეშ თითქო ნისლი ტრიალებდა. ერთ ბოლოში ქურქებში ჩაცმული პრიუტელი რუსები საუზმობდნენ. იქვე, დახლის უკან, ღვინის ბოთლებით სავსე თაროებისა და ოქროსფერი ტარნის მძივების ფონზე წყნარად სთვლემდა სახელაჟღაჟა ლიბიანი კაცი; ტიპური შიკიტანი. იგი ქალაღლის საგერებლით აუჩქარებლად იცილებდა თავიდან მსხვილ, ჩასუქებულ ბუზებს; რომლებიც ქონიანი ფეხებით დალოღადნენ ნამცეცებით სახსე დახლზე და ქერზე დაკიდულ, გამურული ლიფლიფის ირგვლივ დაფრინავდნენ ზანტი ზუზუნით. ადრე გაზაფხული იყო — გარეთ ბუზს ჯერ წამღად ვერსად იპოვნიდი, მაგრამ შარშანდღეებს აქ, სითბოში, თავშესაფარი მოენახათ და ზამთრის სუსხს გადარჩენილიყვნენ. თეთრად შეფეთილი კედლები და ღვინის ეტიკეტები შავი წერტილებით აეჭრულებიათ ამ ბუზებს; ფანჯრებშია გაკრულ ანტირელიგიური შინაარსის პლაკატსაც კი რუხყვითელი ფერი დაჰკრავდა ძველი საეკლესიო ეტრატით. ხანშესუღობისგან წონასწორობადაკარგული მწერები ზოგჯერ იატაკზე მოადენდნენ ხოლმე ზღართანს და დიდხანს ფართხალებდნენ გულღმა.

დახლის გვერდით, ნახევრადღია კარში ფარდაგადაფენილი ტახტის კუთხე მოსჩანდა, იქით უთუღ მეფუნდუკის საცხოვრებელი ბინა იყო. ლიბიანმა აღფეზი იცნო და ფეხზე წამოხტა, ორთავენი გულთბიღად მიესაღმნენ ერთმანეთს.

— ამ წუთში მწვადს მოგართმევთ, წუხანდელი დაკლულია... — აფუსაფუსდა ლიბიანი, — მეცხვარეებმა ჩაიარეს და ბატკანი დავატოვებინე...

— არს, ჩვენ კოტა რამ თანა გვაქვს წამოღებული, ისიც გვეყოფა, სხვა როგორა ხარ, საქო... — ამ კაცს სახელიც შესაფერი ჰქონდა.

— რას ვიზამ, აღფეზ-ჯან, ვწვალბ...

მგზავრები მაგიდას შემოუხსდნენ. წინსაფრიანმა, წელან ნაგაზი რომ მოაშორათ, ახალი სუფრა მოარბენინა. ისიც ნაცნობივით უღიმოდა ჩიქოვანს. აღფეზმა სანადირო აბგიდან კონიაკი, ზიზიღლა და „მონადირული ძეხვები“ ამოღღაგა.

— თქვენ თუ იცით, გიორგი, ვინ არის ეს საქო?... — უთხრა აღფეზმა სათვალეებინანს. ჯონქას გაუკვირდა — შენიშნული ჰქონდა, რომ აღფეზი საერთოდ ყველას შენობით მიმართავდა ხოლმე.

— ჰიქები მოიტათ, — დაიძახა აღფეზმა დახლისკენ, — უწინ მღიღარ კაცად ითვლებოდა, ტვიღლისის ერთერთ საუკეთესო რესტორანისა და სასტუმროს პატრონი იყო. ბოლო დროს პატარა სამწვადე დუქანი ღა შერჩა რიყზე. მაგრამ ისიც აზიისათვის შეუფერებელმა კულინარიამ დაუღუბა... — ჩიქოვანმა ხმამღლა გაიციინა, მისი თეთრი მსხვილი კბიღები მტაცებელი ცხოვეღის პირს მოგაგონებდა უნებურად, — წარმოიდგინეთ, — განაგრძო მან — ძაღღის ლეკვებს ასაღებდა თურქმე ბატკნის მწვადად, ეგ ყურუღმსაღი, ორთავეს ერთნაირად სათუთი. ხორცი აქვთ, — ძნელი გასარჩეღია.

სათვალეებიანი უთუოდ გულზიზლი არ უნდა ყოფილიყო, მადიანად ილუქმებოდა. ალფეზმა კონიაკი დაასხა და მეძებრებს პურის ნაჭრები მიუყარა.

— დალიე, ფშაველო. სად დაიკარგე, ყინჩო, რად არ მნახულობ ხოლმე. შინიდან რა ამბავი მოგდის?

— შშვიდობა.

— საქმე მქონდა შენთან, კარგია განახე...

— რა საქმე, ძია ალფეზ?

— გაიგებ. შენ რა დარგზე სწავლობ?

— ისტორიის ფაკულტეტზე.

— ისტორიკოსი გამოხვალ? იმ მღებავივით ხომ არ მოგდის — თავის- თავს მხატვარს რომ ეძახდა. მოკლე, მასწავლებელი იქნები, არა?

— რა ვიცი...

— ისევე ფშავეში ვავისტუმრებს განსახვამი.

ჯონქას დაცინვა მოეჩვენა ალფეზის სიტყვებში და გული ეტკინა, — მას ძლიერ უყვარდა ეს კაცი და თავისიანდაც ჰყავდა მიჩნეული.

— რატომ უფრო მაღლა არ უმიზნებ, ბიჭო? — სთქვა ალფეზმა, — ნიჭი გაქვია თუ ვაჟკაცობა.

სათვალეებიანმა ჩაიციინა, თითქოს არც მაინცდამაინც ყოფილიყოს დარწმუნებული ჯონქას უნარში. ხორნაულს მაღა დაეყარა.

— მე ეს დარგი მაინტერესებდა, — დამნაშავესავით სთქვა მან, — იქნებ ასპირანტურაში დავჩიე...

— ისტორია ხომ მართლა მეცნიერება არ არის, რომ... — სათვალეებიანმა ხიზილალა წასმული პური ჩაკბინა, — რომ მისთვის ღირდეს ასპირანტობა, მერე დოქტორობა და ასე ამგვარად მტვრიან ქალღლებში ქექვით სიცოცხლის შეწირვა. — მან წელით მოიშორა სახეზე მიწებებული აბეზარა ბუზი. — ისტორია, — ეს არის ზღაპრების თხრობა და რაც მთავარია, ისე უნდა მოპყვე როგორც გიბრძანებენ. ანალებიც კი არ დაუწერიათ უტენდენციოდ.

სათვალეებიანმა განსაკუთრებული მანერით მოსვა კონიაკი, თითქო გრძელი ლექციის შემდეგ ყელს ისველებდა. ჯონქა არ მოელოდა ასეთი ტონით გამოსაუბრებას ამ უცნობი კაცისაგან და გაოცებულმა სულ მთლად დაანება თავი ძეხვის ჭამას.

— წინათ ისტორია მეფეების ბიოგრაფია იყო, — განაგრძო სათვალეებიანმა, — მთელ თაობებს ისტორია არწმუნებდა, რომ რომანოვებმა რუსეთს ბედნიერება მოუტანეს. ეს თაობები ამ რწმენით იხოცებოდნენ. ახლა ისტორია პირიქით გვასწავლის. ვინ იცის — კათილინა უფრო შქერმეტყველი იყო თუ ციცერონი? კათილინას ნაწერები გაანადგურეს, ხოლო ციცერონს სკოლებში ასწავლიდნენ.

იგი ისე გადაჭრით ლაპარაკობდა, რომ ჯონქამ უზრდელობად ჩასთვალა შეკამათება. სათვალეებიანი ისევე ხიზილალას მიეძალა. ჯონქა მოელოდა, რომ იგი კვლავ ალაპარაკებოდა და მაშინ მაინც მიეცემოდა საშუალება თავისი აზრი გამოეთქვა, მაგრამ საუზმემ დუმილში გაიარა, მხოლოდ ძაღლები უღრენდნენ ერთმანეთს სადაო პურის ნაჭრისთვის მაგიდის ქვეშ.

ის იყო შენაყრდენ მგზავრები, რომ გარედან მანქანის გუგუნე მოისმა, ავტო ფუნდუკთან გაჩერდა და ორჯერ აახმაურა საყვირი. ცოტახანს შემდეგ



წინსაფარიანი კაცი შემოვიდა გარედან, რაღაც წასჩურჩულა ალფებს და ისევ უკან გაბრუნდა.

— შენ აქ იყავი. ძაღლები გარეთ არ გამოუშვა, თორემ ნაგაზთან იჩხუბებენ, — უთხრა ჯონქას ჩიქოვანმა და სათვალეებიანთან ერთად მეორე ოთახში გავიდა. სეტერები უკან გამოუდგნენ პატრონს, მაგრამ ჯონქამ ორთავეს საყელოში ჩასჭიდა ხელები. წინსაფარიანი ვიღაც მაღალ ლურჯპალტოიან კაცს შემოუძღვა და მეორე ოთახში გაიყვანა. მათ უკან შემოჰყვათ შეცივნილი, ბენზინის სუნით გაუღენთილი, შავგვრემანი შოფერი. ჯონქამ შოფერს კონიაკი დაუსხა, მაგრამ სანამ ჭიქას გაუვსებდა — მსუქანი, მწვანეთვალე ბუზი ჩავარდა შიგ და ისეთი ბზუილი მორთო, რომ ძაღლებმა ყურები სცქვიტეს. შოფერი გულწრფელად გააოცა მწერის სიდიდემ.

— ვაჰ, ერთი ნახე — ბელურას ტოლას! ძიაჯან, ბუზების ფერმა გქონიათ? ძმაკაცურად დედალ-მამალი მომყიდე, ქალაქში წავიყვანო სანაშენოდ...

იგი საერთოდ ენაწყლიანი გამოდგა; თითო ძეხვს ორლუკმად ათავებდა და თან ჯონქას სულმოუთქმელად, სხაბასხუბით აყრიდა კითხვებს; მანამ არ მოისვენა, სანამ დაწვრილებით გამოჰკითხავდა წუხელ სად იყო ისე გვიან და ჩიქოვანს რამდენი ხანია იცნობდა ჯონქას მამა ლუკა ხორნაული. ბოლოს თავისი გამჭირახი, სწრაფი თვლები მოსაუბრის მკერდს მოავლო და ღიმილით უთხრა:

— ეგ ყელსახვევი მოიხსენი, ძმავე, ნადირობის დროს ჯაგებში არსად დაება...

ჯონქას მხოლოდ ახლა მოაგონდა თავისი მორთულობა, გვერდზე მოღრეცილი ყელსახვევი მოიხსნა და უბის ჯიბეში შეინახა, თუმცა კი ენანებოდა — გაჭირვებით ჰქონდა დაუთოვებელი. მალე ფუნდუკში ახალმოსული მანქანის შოფერიც შემოვიდა. შავგვრემანი კოლეგა ახლა იმას შეუჩნდა, გამოჰკითხა — საიდან მოდიოდა, და ვინ მოჰყავდა. რომელიღაც პასუხისმგებელი მუშაკი ბრუნდებოდა თურმე ბეთანიის დასასვენებელ სახლიდან. ახალმოსული უკმაყოფილო იყო, — შუღამისას გამაღვიძა — ქალაქს მეჩქარებო და ამ თეთრ ღუქანთან კი რახანია ვუცდი, ნაცნობებთან მასლაათს აღარ ათავებსო. შავგვრემანმა კონიაკი დაუსხა, ახალმოსულმა გადაჰკრა და კოჯრის გზას დაუწყო ვინება, ისე დაკლაკნილი, ცოტა დაღეული თუ ხარ, კისერს მოგატეხინებსო. შავგვრემანი მცხეთისას აქებდა — მთვრალი წამოსულა იქიდან, გზაზე ჩასძინებია საჭეზე დაყრდნობილს და თითონაც უკვირდა, მაგრამ ირწმუნებოდა, რომ მხოლოდ საბურთალოში გააღვიძა მილიციონერმა. ახალმოსულმა ტყაპუქიან მეურმე რუსჭბისკენ გაიხედა და მათაც შეუკუროთხა, თუმცა ქართულად, — ხარები და ცხენები შეეჩვივნენ ავტომანქანებს და ამ გლეხებს კი არაფერი ეშველათ, ისე დაუროთხებიან ხოლმე; — შენ თუ გვერდი აუხვიე, თითონ მაინც დაგაჯახებენ ურემსო.

ბუზები ისევ ზუზუნებდნენ შებოლილი ლიფლიფის ირგვლივ და არაქათგამოლეულები ეცემოდნენ დაზღზე, საიდანაც მათ ქალაღის საგერებლით ხვეტდა მთვლემარე საქო. ჯონქას მობეზრდა შოფერების ლაყბობა; წელანდელ წყენას ჯერ კიდევ არ გაეგლო, თანაც თავი ისევ დაუმძიმდა კარდანშულ ოთახში და გადასწყვიტა გარეთ გასულიყო. კიბეზე ჩამავალს წინსაფარიანი კაცი შეეჩხა, ჯონქას ეცნაურა მისი ნაყვავილარი სახე, მაგრამ თავს ძალა აღარ დაატანა, მოეგონებია, თუ სად ჰყავდა ნახული. გარეთ ისევ ბურუსი

იღვა, თუმც სინათლე მომატებულიყო, — მზე უთუოდ ამოვიდა, მაგრამ ცა ირგვლივ მძიმე, რუხი ღრუბლებით იყო დაფარული და სხივი ვერსად ატანდა. ეზოში ჩამწკრივებული, ცხენგამოხსნილი ოთხთავალა ურმები, გრძელი ხელნებით, ბინდბუნდში ვეებერთელა, კისერწაგრძელებულ პალეონტოლოგიურ ჯოჯოებსა ჰგავდნენ; ისინი თითქო ახლო გორაკზე შავად მომდგარ ტყიდან წამოპაროდნენ ფუნდუკს. რიაც ცივი, პირველყოფილი სისასტიკის ელფერი ჰქონდა თრიალეთის ამ ღრუბლიან განთიადს.

ხორნაუღი შარაზე გამოვიდა. გზის მეორე მხარეს მიხაკისფერი მსუბუქი მანქანა იღვა ჩიქოვანის შავი მანქანის პირდაპირ. იქვე, ნეხვის გროვასთან ბელურები ჟივჯივდნენ. ჯონქას ვერ დაევიწყებინა ალფეზის გადაკრული სიტყვები და ჩაფიქრებული შეუდგა გზაზე ბოლოს ცემას. იგი ბავშვობიდანვე დიდი სიმპატიით იყო გამსჭვალული ამ ყოჩად, მუდამ ენერგიით სავსე, ახლა უკვე ორმოც წელს გადაცილებულ, მაგრამ მაინც ჭაბუკივით მარდ და ხალისიანი კაციისადმი. ალფეზი ყველასთან შინაურად გრძნობდა თავს, ყველას იცნობდა, ყველაფერს ასწრებდა. როცა მთაში ლუკასთან ამოვიდოდა ხოლმე სანადიროდ, ღამით, ტყეში დანთებულ კოცონთან ან ბუხრის პირას, მოჰყვებოდა ცისას და ბარისას. მას გატაცებით უყვარდა ნადირობა. ციმბირში გადასახლებულს ბრტყელრქიან დომბებზეც უნადირნია თურმე, სამი ოთხი დღე უდევნია თხილამურებით ცხენის სიმაღლე და ხარის სისქე ვაცისთვის. სასტიკ შამთარში, ღრმად გაყინულ თოვლიდან ცხენ-ირემი ხავსს ჩლიქით ველარ სთხრიდა და ხის ქერქის ანბარად დარჩენილს ბოლოს მუხლი მოსჭრია, სასიკვდილოდ დაჭრილი შებრძოლებია გათამამებულ მონადირეს. ალფეზი ისე ცოცხლად მოჰყვებოდა ტანმორჩილ არყის ხეებშორის თხილამურებით გაჭედილ მონადირისა და სასოწარკვეთილ ცხოველის შეტაკებას, რომ ჯონქას ახლაც წინ დაუდგა თვალებისსხლიანი, ბორჯლი და წვეტიანი რქებით წამოსული, ტკივილისაგან გაშმაგებული ვაცი. დომბამ წააქცია თხილამურებით შებორკილი მონადირე და უთუოდ გასრესდა ძარღვიანი ტორის ერთი დარტყმით, მაგრამ კაცმა იმარჯვა, ნადირის ოფლიანი მუცლის ქვეშ ჩაჩოქილმა ილიაში ჩასცა გრძელპირა დანა. პირველად ამ ამბის მოსმენის შემდეგ, დაებადა პატარა ბიჭს თავყვანისცემამდე მისული გრძნობა ყველასაგან პატივცემულ ქალაქელი ძიასადმი. ნადირობის ამბებს კიდევ სხვას გადაამბდა ალფეზი, — ცარიზმის დროს არალეგალური მუშაობის ეპიზოდები; გადასახლებიდან გაქცევა, ემიგრაცია. კვამლისაგან თვალებდაწვრილებული ჯონქა სულგანაბული უგდებდა ხოლმე ყურს მის საოცარ თავგადასავლებს და ოცნებობდა ოდესმე თითონაც ასევე ბევრი ენახა და განეცადა. სმენადქცეულს ავიწყდებოდა, რომ ცეცხლთან ახლო იჯდა. ხმელი ფიჩხი ტკრციალით ისროდა ჩინჩხვრებს და ბიჭს ხან ნაბდის კალთა აუბოლდებოდა, ხან ცხვის ქული, ხან პაჭიჭები.

მაგრამ შემდეგ ბიჭი წამოიზარდა და სხვა ინტერესიც გაუჩნდა. ნადრობითა და ხიფათით ველარ გააკვირებდი ფშაველი მონადირის შვილს, მამა მის ლუკასაც ამბავი არ გამოელოდა, გინდ ღამისთევა ყოფილიყო. ახალგაზრდა ფშაველს ალფეზის ნაამბობში ახლა უკვე სულ სხვა რამ იტაცებდა, — ფშაველი გმირები მეზობელ სოფლიდან იყვნენ და ერთი დღის სავალზე ჩადიოდნენ გმირობას ციცაბო ჭიუხებზე, მწვანე იალაღებზე ან ივრის ჭაღებში. ვიწრო ხეობის გაღმა-გამოღმა მცხოვრები ქისტები და ხევსურებიც ამ ნაცნობი სამყაროთი იყვნენ შემოფარგლულნი.

ბარიდან მოსული სტუმარი კი მსოფლიოს მოქალაქე იყო. გარშემო მხოლოდ მთები მოსწანდნენ. სულ მთები, საითაც არ გაიხედავდი. ზვიადი, თოვლიანი მწვერვალები, მუდამ ნისლით შებურვილნი, მათ ძირში დაკლავნილ მდინარეების პირას, ნაბდის ოდენა მიწაზე შეხიზნულ პატარა სოფლებს ეს მთები ზოგჯერ მზესაც არ აჩვენებდნენ ხეირიანად. ერთი ისეთი სოფელიც იყო თურმე პირიქით ხევსურეთში, სადაც მზე უფრო გვიან ამოდიოდა და ადრე ჩადიოდა, ვიდრე სხვაგან, მთელ ქვეყანაზე—მაჯლაჯუნებივით შემორტყმოდნენ გარშემო ვეებერთელა, პირქუში მთები და ხეობას უბნელებდნენ.

ჯონქას ამ მყინვარებს იქით მიუწევდა გული. მარად თოვლიან მთებს გადაღმა, თვალუწვდენ ვაკეზე მზიანი ქვეყანა ეგულებოდა; ქალაქები მრავალსართულიანი, წოწოლაგუმბათიანი შენობებით; ლურჯი ზღვები, მალალანძიანი ზომალდები კაცის თვალი ზარბია. მას უნდოდა მთელი ქვეყანა ენახა, ყველაფერი სცოდნოდა. მას სურდა გამხდარიყო მსოფლიოს მოქალაქე. ალფეზი გრძელ საუბარს გაუმართავდა ზოლმე ჯონქას და ისედაც სწავლას მოწყურებულ ყმაწვილს კიდევ უფრო შეტად ახელებდა. ურჩევდა უსათუოდ წასულიყო ქალაქს უმაღლესი განათლების მისაღებად.

ფუნდუკის სარკმლიდან გამოძკრთალი შუქი ვიწრო და ნათელ ზოლად შეჭრილიყო ბურუსში პროექტორის სხივივით. ჯონქა ამ ზოლთან შედგა და გაიფიქრა, რომ ალფეზს უთუოდ ახლაც კარგი სურდა მისთვის და მიტომაც აუთვალისწუნა მომავალი პროფესია — რატომ უფრო მაღლა არ უმიზნებს.

ჯონქამ ღრმად შეისუნთქა ნისლიანი, ცივი ორთქლით გაჟღენთილი ჰაერი. მოაგონდა ციციხის ნათქვამი — დიად, მანანა სხვებისგან გამოიჩრევა. და რითი განსხვავდება თითონ — ჯონქა ხორნაული, ათას სხვა ახალგაზრდისგან, რომ მანანამ მეგობრად გაიხადოს? რატომ უფრო მაღლა არ უმიზნებს! ალფეზმა მტკივნეული ადგილი უპოვნა. განა თითონ არ უნდა უფრო მაღლა. უფრო მაღლა, ეს ნიშნავს — უფრო ახლო მანანასთან. ჯონქას უკვე ვეღარ წარმოედგინა, რომ რამდენიმე თვის შემდეგ ისევ ფშავში უნდა დაბრუნებულიყო მასწავლებლად. უფრო მაღლა. მეტი რა შეეძლო, სწავლობდა და კარგადაც სწავლობდა. სამი-ოთხი წელიწადია წიგნებს გადაჰყვამ ჩავუსავით. მაგრამ ეს უთუოდ არ იყო საკმარისი. ჯონქას მოაგონდა როგორ ჩაიცინა წელან სათვალეებიანმა, თითქო ნაკლებ ყოფილიყოს დარწმუნებული ჯონქას უნარში და ბრაზი მოერიო. რა დცის, იქნებ ჯონქა გენიოსია. ერთი შეხედვით შეატყო? თანაც ისტორიას დაუწყო გაბითურება. იდიოტი. რა ადვილად მსჯელობს ეს ხალხი — ნიჭი, ვაყვაცობა, იქნებ ჰგონიათ სამეცნიერო შრომის დაწერა პარაშუტით გადმოხტომას ნიშნავდეს, ერთი გაბედვ, დახუქვ თვალები და ისკუპე. ალფეზს ზომ კარგად ესმის ყველაფერი. მაშ რაღა ალაპარაკებს? უფრო მაღლა! ჯონქამ შეცრად მაინც პატარა, უმნიშვნელო კაცუნად იგრძნო თავი მიუხედავად ასეთი არგუმენტებისა. მართლაც და მას არავითარი განსაკუთრებული პრესპექტივა არა აქვს, საერთოდ არაფერი განსაკუთრებული. ზოგ თავის ამხანაგებთან შედარებით მეტ ცოდნას თუ იჩენს, ეს მხოლოდ, იმიტომ, რომ უფრო მეტ ხანს იჯდა ზოლმე საჯარო ბიბლიოთეკაში და ესეც ალბათ იმიტომ აიხსნება, რომ არ იცოდა სხვაგან სად წასულიყო. უქმი დრო როგორ გაეტარებია. დიად, ის ჩვეულებრივი პატარა ადამიანია, რომელსაც ძლიერ ბუნდოვანი ზრახვანი აქვს და არც თუ დიდი ნიჭი.

ჯონქამ ასეთი რამ პირველად გაიფიქრა თავისთავზე და ეს ფიქრი საშინლად დამამცირებელი იყო. მარტო სულიერი სიცალიერე კი არ უგრძნია, — თითქო ტანიც შეუმსუბუქდა, ჩია კაცი გახდა და შუბლიც დაუპატარავდა, სახემ მოსულელო გამომეტყველება მიიღო.

იქნებ ისიც დავით ციხისელის მიერ დახასიათებულ ახალგაზრდათა კატეგორიას ეკუთვნის?

ნიავემა დაპბერა და ბურუსმაც იმატა. შარავნა ფუნდუკის ცოტა მოშორებით იკარგებოდა ბურუსში; ნისლი ტალღებად ევლებოდა მიდამოს, სინესტეს ავრცელებდა და ჯონქას მოეჩვენა, ვითომ ზღვა ყოფილიყოს მახლობლად, სქელი, გაუმჭვირვალ ბურუსით მოცული და გაყუჩებული. ჯონქამ საყელო აიწია და წუხელ, აივნიდან მოსმენილი საუბარი გაიხსენა. კარებთან ბოლოს, რაღაც მისთვის გაუგებარზე ლაპარაკობდნენ. დავითმა სთქვა, რომ ლაზიშვილის ავტორიტეტით არის დაინტერესებული. ეს ალბათ ჩვეულებრივი ინტრიგა იყო, დაჯგუფება პროფესორებს შორის, უნივერსიტეტში ასეთი რამ უწინ ხშირად ხდებოდა. ხოლმე. გულწრფელად საბჭოთა პროფესორობაზე ლაპარაკი რაღას ნიშნავდა? ორიოდე წლის წინ ეგრედწოდებულ წითელ პროფესორებსა და ზოგიერთ ძველებს გამუდმებით ჰქონდათ პატარა და პრინციპული უთანხმოებანი. იქნებ ციხისელი ახლაც ვინმე პარტიელს ებრძოდა და მომხრეებს აგროვებდა. შეიძლება. ნეტავ მანანა თუ იზიარებს მამამისის შეხედულებებს.

ჯონქას თვალწინ დაუდგა მანანას ღიმილი და წამით თითონაც გაღიმბული მიაბიჯებდა მოჭირხლულ, ბურუსიან შარაზე ტყუილად გაუჯავრდა გუშინ უყურადღებობისათვის, გვერდზე ხომ არ მოისვამდა თამადასთან. ოპ. ის თამადა...

ჯონქა შეეცადა თავიდან მოეშორებია უსიამოვნო მოგონება და ისევ აივანზე მოსმენილ საუბარს დაუბრუნდა.

იგი ხომ წინათაც გრძნობდა, თუ რა აზრისა იყო ეს შთამომავლობითი ინტელიგენცია. რასაკვირველია, იმათ თვალში ჯონქა სულ მთლად არარაობას წარმოადგენს. კულტურა, სრულყოფილი ადამიანი. ხალასი ნიქის პატრონი მაინც უნდა იყო, რათა დანარჩენი გეპატიოს. ვთქვათ — გაიმარჯვა საასპირანტო კონკურსში, შემდეგ? ათეული წლის განმავლობაში ჩუმი, თავაულებელი მუშაობა, წიგნის ჭიად ქცევა. და იქნებ, ისიც იქნებ, — ახალი სიტყვა სთქვა. მანამდე კი პატარა კაცუნა ხარ. მაშ რა გზას უნდა დაადგე?

ჯონქამ უნებურად ასწია თავი და შარავნას გახედა. ნისლი ბამბის ვეებერთელა ფთილებივით გადადიოდა შარაზე, დროდრო წყდებოდა და ქარისგან ატივტივებული ედებოდა ხის კენწეროებს, ისლართებოდა ტოტებში, ზევით მიიწეედა და ღრუბლებს უერთდებოდა. თითქოს გაპენტილი, ნაგლეჯებად ქცეული ფოშფოში ხან ბუმბერაზ ცხვარივით გადააბოტებდა შარაზე და ბეჭობს მიეფარებოდა, ხან ქარისგან ატაცებულ ზეწარივით წავრძლებული გასკურავდა, ან სახლისოდენა თეთრ ბოხჩას გადააჩოჩებდა უხილავი ხელი. ზოგჯერ კიდევ ზედიზედ ნასროლი თოფის კვამლივით მოდიოდა ბოლქვებად.

ჯონქა მიაჩერდა ნისლის თამაშს და თანდათან ფიქრი დაეკარგა, უფორმოდა ბუნდოვანი, ხელშეუხები გაუხდა ამ ვრილი ბურუსივით. ადამიანის თვალვერ უძლებს ნისლის მოძრაობას, ზღვის ლივლივს ან მოწმინდილ ცაზე მოციმციმე ვარსკვლავებს; — აზრი ეფანტება, მშფოთვარე გონება უყურდება; იქნებ

ქვეშეცნებითა გრძნობს რაღაც მარადიულს, უსასრულობას უერთდება და მშვიდდება.

ნისლის ტალღამაც თანდათან გადაიარა და კრამიტთან სახურავზე შკაფიოდ გამოჩნდა გაჭკვრტლული საკვამური. მტრედისფერი ბოლი თითქო შავწვე-როსან კაცის თავს ეხვევოდა ყაბალახივით.

პრიუტელმა რუსებმა თავლიდან ცხენები გამოიყვანეს და ურმებში შებმას შეუდგნენ. ბომბორა ნაგაზი ისევ აყეფდა, ნაღვინევივით ხმაჩახლეჩილი.

ჯონქა ფუნდუკში შებრუნდა. შოფრებს კონიაკი გაენახვევრებიათ და ახლა ბეთანიიდან მოსულს ასტყდომოდა ენის ქაეილი, ზუსტად უამბობდა კო-ლეგას, თუ სად დადის მისი უფროსი, ვისა ჰყვარობს და დღეში რამდენჯერა სჭამს. შავგვრემანიც დიდის გულმოდგინებით უსმენდა.

ჯონქამ მოწყენით გაიარა დახლის წინ და ბოთლებით სავსე თაროები შე-ათვალიერა. ბუზები გამოკოცხლებულიყვნენ, უთუოდ განთიადი იგრძნეს, განუწყვეტელი ზუზუნნი იღგა. ერთი ლიფლიფის შუშაში მოხვედრილიყო თავგამეტებით ეხეთქებოდა მინას და გულის გამაწყალებლად წუოდა ფრთებ-დამწვარი.

— რამდენი ბუზია, — სთქვა ჯონქამ უსაქმობით. საქომ დამძიმებული ქუთუთოები ასწია და უაზროდ შეხედა ხორნაულს, თითქო ძილში შემოესმა მისი ხმა.

— ჰამე?

— ბევრი ბუზია მეთქი — გაიმეორა ჯონქამ.

— ბუზიო? ხალხი უფრო მეტია. ბუზებს რა უშავთ, ერთი ავდარი და სულ ყუფი გაგრევათ, — საქომ ქალაღდის საგერებელი ჩამოუსვა ოქროსფერ ტარნების მძივს, — ხალხი გამრავლდა, შვილო, ხალხი უფრო აწუხებს ერთმანეთს.

„ესეც ფილოსოფოსობს“, — გაიფიქრა ჯონქამ, — „დღეს რა მარცხენა ფე-ხზე ავმდგარვარ!“ მერე მოაგონდა, რომ წუხელ სულაც არ დაწოლილა, მან-ქანაში ჩასთვლიმა მხოლოდ, შუბლზე ხელი გადაისვა და დაამთქნარა.

— ნეტავ ტყის ქათმებმა თუ დაიწყეს ჯერ გადაფრენა? — იკითხა ჯონქამ.

— რა ვიცი, მე ყვავის მეტს სხვა ჩიტს ვერა ვცნობ. ოღონდ ეგ არის სა-კვირველი, — აქეთ მხარეს სხვა ჩიტი ბევრია, ყვავები კი არ მინახავს. სააგა-რაკო ადგილია და არ ვიცი ყვავი რისთვის იწუნებს.

„რა ძალიან დაინტერესებულა ყვავებით“... გაიფიქრა ჯონქამ და უე-ცრად მოაგონდა ალფეზის ნათქვამი, რომ ერთ დროს საქო ძაღლის ლეკვებს ასაღებდა თურმე ბატკნის მწვადად. იქნებ ახლაც ყვავი უნდოდა ქათმის სა-ცივად მიერთმია მუშტრებისთვის. ჯონქამ მოურიდებლად გადააფურთხა ია-ტაკზე. აკი სთქვა — ხალხი მეტისმეტად გამრავლდაო, და ყველას ხომ ქათამი არ ერგება, ზოგმა ყვავიც იგემოს.

მეორე ოთახში როგორც იქნა დამთავრდა საუბარი. ლურჯბალტოიანი წავიდა თავის მოფერთან ერთად და ალფეზი და გიორგი სუფრას დაუბრუნდნენ.

— დროა ჩვენც ავიბარგოთ, — სთქვა ალფეზმა, იგი გამხიარულებული ჩანდა, თვალები უბრწყინავდნენ. ფეხზე მდგომმა ზედიზედ გადაჰკრა კონი-აკი, და ქიქა მიუჯახუნა სათვალეზიანს.

— მოდი, საქო, ერთი ჭიქა დაგვილიე, — დაუძახა მან მეფუნდუკეს, — შენი ამხანაგოც მოვიდეს.

შოფერმა საქოსა და მისი თანაშემწისთვის ჭიქები აავსო და დარჩენილ კონიაკს სინანულით გაჰხედა სინათლეზე. წინსაფრიანი მოკრძალებით, თავის დაკვირვებულ მიუახლოვდა მაგიდას; ჯონქამ ისევ გაიფიქრა, რომ ეს სახენაყვავილარი, მელოტი კაცი სადღაც ჰყავდა ნახული. ალფეზმა წინსაფრიანს ფული ჩაუღო ხელში და იგი ტუჩების ცმაცუნით აკანტურებდა მელოტ თავს, ალბათ მადლობას ეუბნებოდა, მაგრამ ისე ჩუმად, რომ არაფერი ისმოდა.

საქოც გამობაჯბაჯდა დახლიდან, მოკლედ დაილოცა და წინსაფრიანს ჭიქა მიუჯახუნა, მაგრამ სწორედ ამ დროს შავი, ბანჯგვლიანი ბუზი ჩაუვარდა სასმისში. საქომ თავისი კოტიტი, ფრჩხილჩაშავებული თითი მოურია კონიაკში, აფართხალებული ბუზი დაიჭირა და იატაკზე დაანარცხა.

ბუზი მანც ცოცხალი ვადარჩა, ფრთებდაშვებული, ბოლოათრეული წავიდა ცოცვით, უკან სველ კვალსა სტოვებდა მტვირნი იატაკზე.

კარში გამოსულმა ჯონქამ ღიმილით გაიფიქრა, რომ ამ შარშანდელ ბუზებს რაღაც საერთო ჰქონდათ უკანასკნელ, ცოცხალ მიკიტანთან.

გაგრძელება იქნება

## მარალი ქოხის აშენებალი

ვინ ააშენა, ვინ დაჰხურა ამ ქოხს ყავარი?!  
ვინ შეუყენა საძირკველი გაულუნარი?!  
სად გაელია ცხოვრების გზა ტანჯვით საველი?!  
სად ჩაეჩხა გაფრენილი შავი ქურანი?!..  
ვინ გამოთალა? ვინ გარანდა მუხის ფიცარი?!  
ეს ელვარება ჩაუქრობი ვინ დააფინა?!...  
ვინ ააშენა?... იგი ქოხი დაუფიწყარი  
ვინ დაულოცა ღარიბ კაცს ბინად?!  
იცოდა მაშინ, რომ ეს ქოხი უბრალო ასე  
იმ ბნელ ღამეში ჩააშენა ახალ ქვეყანად?  
იცოდა მაშინ, იმ ქოხიდან მსოფლიოს ცაზე  
ღარიბსვე უნდა ახალი მზე ამოეყვანა?  
რომელ მშენებელს, რომელ ქვეყნის მოხელეს ბაძავს?  
რომელ ოსტატებს გავუტოლო იგი დიადი?!  
რომელ პირამიდის მოუცია, ან რომელ ტაძარს  
ხალხის ბელადი და ვანთიადი?  
მადლი მის გამჩენს, ძილისპირი რომ უგალობა,  
მადლი მის გამჩენს, ბარაქიან მარჯვენას მისას!  
მადლი იმ ოსტატს, — არწივების შთამომავლობას  
პირველ საბუდრად ეს ქოხი მისცა.  
არც ერთი ტაძრის, პირამიდის სიმაღლე არ აქვს,  
არც თუ კედლებზე ბრწყვიალებენ ქვები ფერადი,  
არის უბრალო, ძლივს აჩნია ამ ქართულ ქალაქს  
და მთელ ქვეყანას გაუზარდა დიდი ბელადი.

## უსათაურონი

\*

\* \*

ტყვია და ფარი, ზღვა და ხმელეთი,  
ზღვა და ხმელეთი, ტყვია და ფარი;  
ომობდნენ ყოველ მოსახვევებში,  
შეეღოთ აღთქმულ ქვეყნების კარი.

ასე ჰქონია ქარებთან შეხლა  
ამ ჩემს ქვეყანას დიდი ხნის წინათ,  
ჩადგნენ ქარები და, ძმებო, ეხლა  
მყუდრო მხარეში მომეცა ბინა.

დღეს სამშობლოზე სხვა რაღა გვეთქმის,  
ვუთხრათ სიტყვები ცამდის მართალი,  
ეს ჩემი ლექსიც სამშობლოს ერთვის  
დიდი ფრიგალის შემდეგ ნათქვამი.

\*

\* \*

სერებზე ბილიკი გადარბის, ზევს ჩასდევს მოქნეულ ხმალივით,  
ვინ იცის, საიდან სანამდის მიდის და რამდენ მთას გადივლის!  
იქნებ, გზას მოიკვლევს შორიდან და არხის სისხლის ღვრის მნახველი,  
იქნებ, აქ იმისთვის მოვიდა გვაუწყოს რბეულთა სახელი.  
ან იქნებ, იმისთვის, გვეახლოს ჩვენი ზმა თაობებს გადასცეს.  
ცოცხლები ვისაც არ ვენახოთ, გვიყობხოს უამთა სელის ბარათზე.  
წავიდეს, ცხრა მთა გადავლოს, ჩასდიოს შავეთსაც გულამდის,  
მაგრამ არ ნახოს არადროს ბიჭები ჩვენსავით გულადი!



## სამგორი

ლეგენდა სამი სიყვარულისა

მე ხშირად ვმგზავრობ ამ ორთქლმავალით,  
მოკლე ხნით მგზავრიც ბევრი მყოლია,  
ავი და კარგი მათგან მრავალი  
ძველი ამბავი გამიგონია.  
აქვე მსმენია ბრმა მემუსიკე  
„მთაო ვადმიშვის“ როგორ მღეროდა,  
გევონებოდათ მას მთების იქით  
სატრფოს ღალატი მართლა ელოდა.  
აქ სახუმარო ამბით გვართობენ  
ღალი კახელი მოგზაურები,  
არც მოწყენა და არც სიმართლვე  
არ განმიცდია მათი ყურებით.  
ერთხელ, ამ ადგილს რომ მივატანეთ,  
ჭაღარა კაცმა გვანიშნა ხელით,  
ვეითხრა: იმ გორებს, აგერ პატარებს  
სამგორი ჰქვია, ძველი სახელი.  
ამბობენ, თურმე ერთი მეცხვარე  
აქ აძოვებდა ხშირად ცხვრის ფარას  
და არც ბულბული და არც მერცხალი  
მის სალამურმა არ გაიკარა.  
მისი ჰანგები ტკბილი ესოდენ  
მაშინ ესმოდა ივრის ჭალებსაც,  
არვინ იცოდა რისთვის კენესოდა,  
ცრემლში ნაღველი რისთვის გაღესა.  
თურმე მიჯნური იჯდა მსაჯულად  
და მის განაჩენს ორი ელოდა,  
ორი ასული მისგან ტანჯულა  
და სალამურზე მათ ბედს მღეროდა.  
ერთხელ მოვიდა ორივე ქალწული  
მოპირდაპირე • შორეულ გზიდან.  
ორივე დადლილი და დაქანცული  
ზიარ სატრფოს წინ ცრემლებსა ღვრიდა.

ჰაბტუკმა ბევრი არ დაახანა  
უთხრა: სწორ პასუხს ჩემგან თუ ელით,  
გირჩევთ ამ წუთში როგორც ამხანაგთ,  
საქმე გადაწყდეს თქვენი დუელით.  
ორივ მეტოქე რომ დაითანხმა,  
მიწის ნაკვეთი ფეხით გაზომა,  
(სიჩუმე იყო, არსაიდან ხმა  
ხელს არ უშლიდა ახალგაზრდობას).  
ფეხით მოზომა ტოლი მანძილიც,  
თვითვე იკისრა სეკუნდანტობაც,  
ორთა შუაში ჩადგა ყმაწვილი,  
დანიშნულ ადგილს ქალნი დატოვა.  
სთქვა: გამორბენის მოგცემთ მე ნიშანს,  
და ვინც წინ მოვა, მისი ვიქნები.  
ამ მოულოდნელ განაჩენისა  
თურმე სხვა იყო ბნელი ფიქრები...  
მათ გამორბენის ნიშანი მისცა,  
ცალმხრივ თვითონაც გადაიხარა,  
რომ დააპირა მოწყვეტა მიწას,  
ლალატით მანაც არ გაიხარა.  
წამსვე გადიქცნენ სამნივ გორებად  
და თანატოლი მანძილით დგანან.  
თავზე ნიაფი ეამბორობათ,  
შორით იორი უმღერის ნანას...

## ჩემი მეგობრობა

ვიწრო ბილიკით მოველ ბარიდან,  
გადმოვიარე სამრულის წყალი,  
ახლა აღმართზე მივიჩქარი, და  
გასდევს ხეობებს მშიერი თვალი.  
მოდის ბლავილი საჯიხვე მთიდან,  
ქედებს ახურავთ მწვანე საბანი,  
ჯანლი მოცურავს ბამბაზე წმინდა  
დილის ცრემლებით გადანაბანი.  
ეს ჭიუხებიც ფეხებთან ყრიან,  
გული ზვიადი განცლით მეფსება, —  
ახვერდებულ მიდამოს ცვრიანს  
ნიაფი კოცნით ეალერსება.  
გალმა ნანგრევად მოჩანს ეთელტა: —  
ნასოფლარს ზავსი ჰკიდია თმებად, —  
წარსულ დიდებას აქეთ ვეძებ და  
თვალი ქვიშიან ხევებზე წვება.  
— ფრიალოებო, მიაბზეთ რამე,  
ჯიხვთა ბილიკებს თუ ზადაფურჩი, —  
ნაბდად დამხურეთ თუშეთის ღამე,  
ქვეშ დამიფინეთ ცვრიანი ქუჩი.  
მთამ ჯანლი ფიქრად გადმომაყოლა,  
ჯანლი ნაბარეგ ბეჭებს დაუვლის, —  
ამ ხეობიდან თურმე ჯოყოლას  
გადაჰკიოდა გაფრინდაული.  
იწვა მიდამო ცრემლად დამდნარი,  
ნატყვიარ სოფელს სისხლი სდიოდა,  
იწვა ხევებზე მკაცრი ზამთარი  
და ვარსკვლავები ციდან ცვიოდა.  
აქ იდგა კოშკი ყრულ მოგუგუნე,  
კონდახზე ენთო ვაჟკაცს თვალები,  
ახმიანებდა ღამეს უკუნეთს  
კლდეზე დაკრული ცხენის ნალები.  
აქ იყო მეთქი. — ჭირით სნეული,

აკლდამაში რო თითონ წვებოდა,  
ცოცხალ არდილად გადაქცეული  
ძვლების გროვაში ტანჯვით კვდებოდა.  
ბედს დასტიროდა შთენილი მარტოდ,  
ოხვრა ეკიდა ნოტიო თაღებს...  
მოსჩანს კლდეებში აკლდამა ფართო  
და მღუმარე კარს ღუმილით ვაღებ.  
აი — შევდივარ წელში მოდრეკით  
ძვირფას სახსოვარს სიბზე ვალაგებ,  
ვინ იცის სად არ მოუკლავს ლეკი  
ამ დაობებულ თითის ფალანგებს.  
სად ჩასწვა გული, როგორც აბედი,  
სად დაეღწეა ხმალი შავტარა, —  
ვინ ჩამოთვალოს დუხჭირი ბედი  
დაგლეჯილ თექამ საით ატარა.

— ტყვიანზე მძიმე ბურანი გაწევთ,  
ნაგერალეზო გადასულ დროთა,  
შხამით დაყურსულ ღამეებს ათევთ  
და საუკუნო ძილშიაც შფოთავთ.  
ო-განისყენეთ, მარად მღუმარი  
მიწის კედელი გეხუროთ შავად,  
მე აქ მოვსულვარ, როგორც სტუმარი  
მემკვიდრეობის მოსაკითხავად.  
თქვენ საუკუნეს სისხლითა სწერდით,  
მაინც ვინდოდათ მზეზე დარჩენა, —  
რა მიანდერძეთ — ათასი ღმერთი,  
ნაქონარი და ლეკის მარჯვენა.  
უკან წაიღეთ, ვიხსნი მზრებიდან  
კლდეებს, დღემდი რო წვალეზით ვზიდეთ,  
ლექსით გადავხან თქვენი გზები, და  
ამქუხარებულ გულს დავეჭიდე.  
გულს დავეჭიდე, რა ვუყოთ მერე,  
თქვენს ნასისხლარში თუ მიდგას ძირი, —  
ცხოვრებას ხანჯლით აღარა სწერენ,  
აღარც დაღესტანს თარეშობს გმირი.  
თქვენ ვადახველით, მზიური დრო კი  
ძარღვში მქუხარე სისხლად ჩადგება  
და ნატყვიარით წაშლილი კოშკი  
ამ დროში ვიღას გამოადგება.  
ფარის ნალეწი კლდეებზე დარჩა,  
აღარც ხატიდან ისმის ღრეობა.  
ჩემი ეპოქა გადაშლის ფარჩად  
თექაზე ნარწევ მემკვიდრეობას.  
აწონილი მაქვს მყობადი მისხლით,  
გრიგალს ფეხდაფეხ გავეკიდები

თუ მოითხოვა სამშობლომ სისხლი  
არც მის ჯაღებას დავერიდები.  
ეს გულიც ქვეყნის თანაზიარი  
მიპყივის დღეებს არჩეულ გზიდან...  
ფერდობზე მოსიანს ქუჩი ცვრიანი,  
ხევში ნამქერი — ბამბაზე წმინდა,  
ფარტენა ჯანლებს ნიავე სინჯავს,  
თან მინანქარის ნატებს აღარებს,  
ალაზანს დასცქერს სპეროზა დინჯად  
და მოხუც მტკვართან ამბავს აბარებს.

# ქდასიკუხი მამაკვიდრობა

მ. ი. ლაგონიძე

## სიმღერა

მეფე ივანე ვასილის-ძე, ახალგაზრდა  
ოპრიჩნიკ ქიჩიბაევიჩსა და მამას ვაჟარ  
კალაშნიკოვსა.

პეი შენ, მეფეო, ივანე ვასილის-ძე!  
შენზედ ავაწყეთ, ავაყლერეთ ჩვენ ეს სიმღერა,  
შენსა საყვარელ, ოპრიჩნიკზედა  
და მამაც ვაჟარ კალაშნიკოვზე.  
ძველებურ ჰანგზე ჩვენ მოვმართეთ სიმღერა ჩვენი  
და ვამღერებდით იმას ხშირად ფანდურის ხმაზე.  
ვუწყობდით სიტყვებს და თქმულებებს მას ვუთანხმებდით  
და ბოიარინმა თავად მათე რომოდანოესკიმ  
გვიბოძა თასი აქაფებულ თაფლით აესილი.  
მისმა მეუღლემ ბოიარინიამ პირმანგოსანმა  
საკუთარ ზელით მოგვაწოდა ვერცხლის ლანგარზე  
ჩვენ პირსახოცი აბრეშუმით ამოქარგული.  
სამ დღეს, სამ ღამეს ჩვენ გვალხენდნენ, პატივსა გვცემდნენ  
და სულ გვისმენდნენ და სმენითა ვერა ძღებოდნენ.

1.

მზე კი არ ბრწყინავს და ელვარებს ზეცის ლაქვარდზე,  
არა ღრუბლები მისი ეშხის ცქერით სტკებებან:  
ეს სუფრაზე ზის შემოსილი ოქროს გვირგვინით,  
ზის თვით ივანე ვასილის-ძე — მეფე მრისხანე.  
მის უკან სდგანან მოწიწებით სუფრის კაცები,  
პირდაპირ სხედან ბოიარები და თავადები.  
აქეთ და იქეთ მისი მცველი ოპრიჩნიკები  
ზეიმობს მეფე. ლხინს ეწევა ღვთის სადიდებლად,  
სიამოვნებით რომ გაერთოს, დრო გაატაროს.

მაშინ ღიმილით მეფემ ივასცა თავის ბრძანება,  
რომ ტკბილი ღვინო უცხოური შემოეტანათ,  
აევსოთ ღვინით მისი თასი მოოქროვილი  
და ოპრიჩნიკებს დაელოათ მის სადიდებლად.  
დალია ყველამ და მეფესაც შეასხეს ქება.

მათ შორის ერთი ოპრიჩნიკი სახელგანთქმული,  
როგორც მამაცი მოკრივე და დიდგულოვანი  
არ ასველებდა ოქროს თასში თავის უღვაშებს.  
შავი თვალები ძირს მოწყენით მას დაეხარა,  
თავი დაეშვა ფართოდ გაშლილ ვაჟკაცურ მკერდზე —  
გულში კი ფიქრი, დიდი ფიქრი ჩაბუდებოდა.

მაშინ შეკმუნა მეფემ თავის შავი წარბები  
და მას მრისხანედ გამჭრიახი მიაპყრო თვალნი:  
თითქოს ზეციდან შევარდენმა გამოქროლილმა  
ჟრუნფროთიან ქედანს გადმოხედდა და დააჩერდა.  
მაგრამ მოკრივემ არ ასწია თვალები ზევით.  
— აი იატაკს მეფემ დაჰჭრა თავის არგანი.  
და ერთ გოჯაზე გაატარა მუხის ფიცარში  
რკინით ნაჭედი, მოლესილი არგანის წვეტი.  
არც ახლა შეერთა ახალგაზრდა და მძლე მოკრივე.  
— აი წარმოსთქვა მეფემ თავის მრისხანე სიტყვა  
და მხოლოდ მაშინ გამოერკვა ჩვენი ვაჟკაცი.

„ჰე, კირიბევიჩი, შენ ერთგულო ჩვენო მსახურო!  
ეგების ფიქრი უწმინდური გულს დაისახე?  
ეგების შეგშურს ეს ბრწყინვალე ჩვენი დიდება,  
ან სამსახური შენ მოგწყინდა პატიოსანი?  
მთვარის ამოსვლას ვარსკვლავები მუდამ შესტრფიან,  
რადგან ნათელში მათ შეზღვრებათ გასეირნება.  
მაგრამ, რომელიც იმალება შავსა ღრუბელში,  
იგი წუთშივე მოწყდება და მიწას ეცემა.  
განა შეგშვენის, კირიბევიჩი, მეფის წყალობა  
იუკადრისო, არ მიიღო ნაბოძი მეფის?  
შენ სკურატოვის გვარადან ხარ წარმოშობილი,  
მალიუტას სახლში და ოჯახში ხარ შენ აღზრდილი!

კირიბევიჩი უპასუხებს მაშინ ამგვარად  
მრისხანე მეფეს და თაყვანსა მიწამდე აძლევს:  
— შენ, ჩვენო მეფეეო, იფანე ვასილისძეო!  
ნუ ჰკიცხავ უღირსს მონასა შენსა,  
მხურვალე გულსა ღვინის შესმა ვერ გაანელებს,  
პატივისცემა შავსა ფიქრებს ვერ დაამშვიდებს!

თუ განგარისხე — იყოს შენი მეფუარი ნება:  
გაეც ბოძანება, რომ დამსაჯონ, თავი მომკვეთონ,  
რადგან ამძიმებს იგი მეტად ვაჟკაცურ მზრებსა,  
და თავისთავად მიწისაკენ იგი იხრება.“

მეფემ ივანე ვასილის-ძემ მას უპასუხა:  
„რამ შეგაწუხა, მითხარ მაინც, მხნეო ჭაბუკო?  
ეგების გაცვდა შენი ფარჩის ტანსამოსელი?  
ან დაიჭმუჭნა შენი ქული წავის ბეწვისა?  
ეგების ფული შემოგაკლდა და დაგებარჯა?  
ან და თუ ხმალი აღარა სჭრის შენი ნაწრობი?  
ეგების ცხენი დაგიკოჭლდა ცუდად ნაჭელი?  
ან თუ დაგძლია და კრივის დროს მიწაზე დაგცა  
მოსკვა-მდინარეს ნაპირებთან ვაჭრისა შვილმა?!“

მას უპასუხებს კირიბევიჩი  
ხუჭუჭათმიან თავის ჩაქნევით:  
— „ისეთი მკლავი ჯადოსნური ჯერ არ შობილა  
არც ბოიარების, არც ვაჭართა მთელსა მოდგმაში.  
ჯერ ჩემი ცხენი მხიარულად დაჭრის მინდორში,  
და ხმალი ბასრი, როგორც ბროლი იმეგარად ბრწყინავს,  
და უქმე დღესაც შენს მოწყალეობით  
სხვაზე ნაჯღებად არ ვეწყობით და ვიკანშებით.“

შემოვახტები, გავაჭროლებ ჩემსა ბედაურს —  
მოსკვა-მდინარის ნაპირებზე გავისვირნებ.  
წელს დავიმშვენებ აბრეშუმის ფერადი სარტყლით,  
გვერდზე მოვივლებ და ჩაგვეცავ ხავერდის ქულსა,  
შავ ბეწვეულით შემოგარსულს და გამოფენილს.  
ჭიმვართან სდგანან თავშეჭრებით ტურფა ასულნი  
და გოგონები ახალგაზრდა, ეშხით აღსავსე,  
ჩემი დანახვა მათ ახარებს და ჩურჩულებენ.  
მაგრამ მათ შორის მხოლოდ ერთი მე არ მიცქერის,  
არ უხარია და მანდილით სახეს იფარავს...

ჩვენსა კუროთხელ, მშობელ რუსეთში  
მზეთუნახავი ამნაირი არ იბოვება.  
დადის მოხდენით, თითქოს გედი დაცურავს ტბაზე,  
თუ შემოაწვდა — გეგონება. ლულუნა მტრელი,  
წარმოსთქვამს სიტყვას — მოგესმება ხმა იადონის.  
მისი ლაწვები ვარდისფერი ლელავენ ისე  
ვით განთიადით შეღებილი ცისა ლაყვარდი.  
თმის ნაწნავები ბაჯაღლოს ფერი  
ფერად ამძივებით გადახლართულნი  
მზრებზე დაყრილნი ირხევიან, იკლაკნებიან



და იმის ბროლის გულ-მკერდს ჰკოცნიან.  
ვაჭრის ოჯახში დაიბადა და აღიზარდა —  
მას ალიონა დიმიტრეენა ჰქვია სახელად.  
როს დავინახავ — მეკარგება სულის სიმშვიდე  
და ძირს მეშვება მტლავები მძლავრი;  
თვალეები სწრაფი დამიბნელდება.  
წამილო სევდამ, მომეწყინა, დიდო მეფეო,  
ამ ქვეყანაზე მარტო ცხოვრება.  
არ მახარებენ მარდი ცხენები,  
აღარ მახარებს ფარჩის სამოსი.  
მე აღარ მინდა ოჭრო და ვერცხლი.  
ჩემი სიმდიდრე ვის გავუყო, გავუზიარო?  
ვის დავანახო ვაჟკაცობა და სიმამაცე?  
ტანკაზმულობით ჩემი თავი ვის მოვაწონო?

გამიშვი ვოლგის მხარისაკენ, ვოლგის ველებზე,  
რომ იქ ვიცხოვრო თავისუფლად, როგორც კაზაკმა.  
იქ დავდებ ჩემ თავს დაუდგრომელს და შეუპოვარს.  
თავგანწირულად ბუსურმანთა შუბს ავეგები  
და ბოროტ თათრებს გასაყოფად დარჩებათ შემდეგ.  
ეს ხმალი ბასრი, ბედაური ჩემი ერთგული  
და ჩერკასული უნაგირი ჩემი სამხედრო.  
აჰომიკორტნის ამ ცრემლიან თვალებსა ძერა,  
ძვლებს უპატრონოს და ტიალსა გადარეცხს წვიმა  
და ჩემი ნეშტი საცოდავი, დაუმარხავი  
განიავდება ოთხივე მხარეს!“..

და მას ივანე ვასილის-ძემ უთხრა სიცილით:  
„შენ ერთგულო, მსახურო ჩემო! შენს გაჭირვებას  
და მწუხარებას შევეცდები რომ დავებმარო.  
აი, წაიღე ეს ბეჭედი იავუნდისა,  
თანაც წაიღე ყელსაბამი მარგალიტისა.  
ეცი თავყვანი ჯერ მაჭანკალს მოხერხებულსა  
და საჩუქარი გაუგზავნე შემდეგ ძვირფასი  
შენს ალიონა დიმიტრეენას, შენსა სატრფოსა.  
როს შეგიყვარებს — გადიხადე მაშინ ქორწილი,  
არ შეგიყვარებს — ნუ აჰყვები გულის წყრომასა.“  
— ჰეი შენ მეფეო, ივანე ვასილის-ძეო!  
ტყუილი ვითხრა და იცრუა თვალთმაქცმა მონამ,  
შენ არ გიამბო მან ნამდვილი ქეშმარიტება  
და არ გაცნობა, რომ ეს ქალი მზეთუნახავი  
ღვთისა ტაძარში არის უკვე ჯვარდაწერილი,  
ნაქორწინები ჭაბუკ ვაჭართან  
ჩვენი კანონით ქრისტიანულთ...

ჰეი, ბიჭებო: იმღერეთ, მწყობრად ფანდური აეღერეთ!  
ჰეი, ბიჭებო, დალიეთ, საქმისთვის მოიცალეთ!  
მხოლოდ ვაართეთ ბოიარინი ჩვენი კეთილი  
და ბოიარინია პირმანგოსანი!

2.

დახლთან ვაჭარი ახალგაზრდა ზის ახოვანი  
და მხნე — სტეფანე პარამონის-ძე,  
სახელწოდებით კალაშნიკოვი.  
აწყობს, ალაგებს ის საქონელს აბრეშუმისას,  
ტყბილი საუბრით დუქნისაკენ მოუხმობს სტუმრებს.  
ვერცხლსა და ოქროს იგი ითვლის და ანვარიშობს.  
მაგრამ ნავსი დღე მას დაუდგა და გაუთენდა:  
გვერდს უვლის დუქანს მოსეირნე მდიდარი ხალხი  
და სავაჭროში არავენ შედის.

წმინდა ტაძრებში დამთავრდა ლოცვა;  
და კრემლის უკან ნისლიანი იწვის დაისი.  
შავი ღრუბლები ცაზე ჩნდებიან,  
მოერეკება მათ ქარბუქი თავის სიმღერით.  
ქარვასლის ფართო, დიდი ეზო დაცარიელდა.  
ჰკეტავს სტეფანე პარამონის-ძე  
მუხის კარებით თავის სავაჭროს  
და მას ზედ ადებს გერმანულ კლიტეს.  
თავის ავსა და ბუზღუნა ქოფავს  
კარებზე აბამს რკინის ჯაჭვითა  
და შემდეგ მიდის ჩაფიჭრებული  
მოსკვა-მდინარის გაღმა — თავის მეუღლისაკენ.

შემოდის იგი თავის სახლში. გაკვირვებული  
ჩრება სტეფანე პარამონის-ძე:  
მას ახალგაზრდა მისი ცოლი არ ეგებება.  
მუხის მაგიდას თეთრი სუფრა არ აფენია,  
ხატთან კი ოდნაე ანთებული ბეუტავს სანთელი  
თავის ძველ მსახურს დედაკაცსა შეეკითხება:  
„აბა მითხარი და მიაბზე ერეშევენა  
საით წავიდა და მიიმალა  
ასეთ გვიან დროს ჩემი მეუღლე?  
ჩემი ბავშვები საყვარელნი დაღალდნენ ალბათ,  
გადაიქანცნენ სირბილ-თამაშით  
და ერთობ აღრე მოისვენეს და დაიძინეს?“

— ბატონო ჩემო, ო, სტეფანე პარამონის-ძე,  
უნდა გიამბო მე ამბავი გასაოცარი:  
შენი მეუღლე ამ საღამოს ლოცვაზე იყო,  
მაგრამ ტაძრიდან თავის ცოლით დაბრუნდა მღვდელი,  
უკვე სანთლებიც ჩვენ ავანთეთ, დავსხედით ვახშმად, —  
მაგრამ ამჟამად მეუღლე შენი  
ეკლესიიდან არ გვინახავს დაბრუნებული.  
შენი ბავშვები საყვარელი არ დაწოლილან,  
ჯერაც არ სძინავთ და თამაშით არ გართობილან,  
სტირიან მწარედ და არ სცხრებიან.“

შეშფოთდა მაშინ და ჩავარდა-საგონებელში  
კალაშნიკოვი — ახალგაზრდა კაცი ვაჭარი.  
ფანჯრის წინ დადგა და გასცქერის მღუმარედ ქუჩას.  
— ქუჩა კი ღამეს შეუმოსავს, ღამეს შავ-ბნელსა.  
მალლიდან თოვლი განუწყვეტლივ სცვივა და სცვივა,  
კაცის ნაკვალევს ზედ ეფრქვევა და აღარ აჩენს.

კარის მოხურვის გაისმება ხმა დერეფანში,  
შემდეგ ფეხის ხმა აჩქარებული.  
შემობრუნდება და შეხედავს — ღმერთო ძლიერო!  
იმის წინაშე ახალგაზრდა დგას მისი ცოლი  
გაფითრებული, გაწეწილ თმებით.  
თმის ნაწინავები ოქროს ფერი უჩანს დაშლილი,  
თოვლი და თოში მათ დაჰყრია და დაფრქვევია.  
ისე ვით გიჟი, იცქირება მღვრიე თვალებით,  
ბაგენი რალაც გაუგებაარ სიტყვას ამბობენ.

„მითხარი, ქალო, სად იყავი, იხეტიალე?  
რომელ ქუჩაში და მოედანზე,  
რომ შენი თმები აიწეწა და აიბურდა?  
რომ ტანსაცმელი ჩამოგხვევია?  
აღბათ იღბენდი, დროს ატარებდი  
შენ ბოიარების შვილებთან ერთად!  
არა ამისთვის, ჩემო ცოლო, წმინდა ხატებთან  
ჩვენ ჯვარს ვიწეჩდით, გვირგვინს ვიდგამდით,  
არა ამისთვის ჩვენ შევცვალეთ ჩვენი ბეჭდები...  
აი ჩავკეტავ, რკინის კლიტით გადავირაზავ  
მუხის კარებსა მაგრად ნაჭედსა,  
რომ ვერ იხილო ვერასოდეს სინათლე დღისა,  
რომ არ არცხვენდე შენ ჩემ სახელს პატიოსანსა...“

როს აღიონა დიმიტროვნამ ეს გაიგონა,  
მთლად აცახცახდა ჩემი მტრედი, ჩემი ლამაზი,  
ატოყდა თითქოს ფოთოლი ვერხვის.

მწარედ ატირდა და აქვეითინდა.  
და ქმრის წინაშე პირქვე დაემხო..

„უფალო ჩემო, მზეო ნათელო,  
ან შენი ხელით მე მომკალი, ან მომისმინე!  
სიტყვები შენი ბასრი დანაა:  
მათი მოსმენით ვული მიკვდება,  
არ მეშინია სასტიკ სიკვდილის.  
არც ხალხის ჭოჩის, მითქმა-მოთქმისა,  
მაშინებს მხოლოდ შენი წყრომა და შენი რისხვა.“

„შინ ვბრუნდებოდი ლოცვის შემდეგ მე ამ საღამოს,  
სულ მარტოდ-მარტო მოვდიოდი მე ამ ქუჩაზე.  
უცბად მომესმა ფეხის ხმაური,  
შემოვტრიალდი, — დავინახე გამორბის კაცი.  
მუხლებში უცბად მომისავედა და ჩავიკეცე,  
და აბრეშუმის გადვიფარე სახეზე რიდე.  
მაგრად ხელები დამიჭირა და თანაც ჩუმიად  
ყურს ჩამჩურჩულა ასეთი სიტყვა:  
— ნეტავ რას შიშობ, ჩემო ტურფავ, ჩემო ლამაზო?  
არა ვარ ქურდი, ტყეთ გაჭრილი კაცისა მკვლელი,  
მე ვარ მსახური მხოლოდ მეფის, მრისხანე მეფის;  
სახელად მქვია კირიბევიჩი,  
შთამომავლობით ვარ დიდებულ მალიუტას გვარის...“  
მე კიდევ მეტად შემიბყრო შიშმა,  
თავბრუ დამესხა მე საცოდავსა.  
მან კი დამიწყო მოფერება, კოცნა, ალერსი,  
და როს მკოცნიდა ასეთ სიტყვებს იმეორებდა:  
— ო, შიპასუხე, რა გსურს, რა გინდა,  
ჩემო ძვირფასო და სანატრელო!  
ეგებ ოჭრო გსურს, ან მარჯალიტი?  
ძვირუასი თვლები, ფარჩა ფერადი,  
როგორც დედოფალს ისე მოგრთავ, ისე მოგკაზმავ,  
ყველა სიხარბით რომ შეგნატროდეს.  
ნუ მოისურვებ მხოლოდ სიკვდილს ჩემსა ცოდვილსა:  
ო, ერთჯერ მაინც განშორებისას  
შემომეხვიე და შემეყვარე!“

„მეფერებოდა, მიალერსებდა  
და ჩემს ლაწვებზე მისი ამბორი,  
მისი ამბორი შეჩვენებული  
ჯერ არ დამცხრალა, ცეცხლად მედება...  
ამას უცქერდენ მეზობელი ქალები ჩუმიად.  
სიცილით ჩვენსკენ ჭიშკარიდან აშვერდნენ თითსა.“

„მას, როგორც იყო გამოვუსხლტი  
და მთელ ძალ-ღონით შინისაკენ გამოვიქეცი.  
მაგრამ იმ ყაჩაღს ხელში დარჩა ჩემი პირბადე  
გამოქარგული, შენი ნაბოძი.  
და თავსაფარი ჩემი ბუხრისა.  
მომჭრა მან თავი და შემარცხვინა,  
ქალი უმწიკლო, პატიოსანი —  
ბოროტი ჩვენი მეზობლები ან რას იტყვიან,  
ვის დავენახო, ჩემი თავი სადღა გამოვყო?“

---

„ნუ გაიმეტებ, ნუ გასწირავ შენ ერთგულ ცოლსა,  
ბოროტი ხალხის დასაცინად ნუ ვახდი იმას!  
ვისი იმედი უნდა მქონდეს, თუ არა შენი?  
ვის უნდა ვთხოვო, რომ მიშველოს და დამეხმარო? —  
ამქვეყნად დავრჩი მე ობოლი და უპატრონო;  
მშობელი მამა განისვენებს ცივ სამარეში  
და იმის ჩვერდით წევს დედაჩემიც.  
შენც კარგად იცი, ძმა უფროსი გადაიხვეწა  
და უგზო-უკვლოდ დაიკარგა უცხო მხარეში,  
უმცროსი ძმა კი ბავშვია კიდევ,  
ბავშვია ბრიყვი და უმეცარი...“

---

ასე ალიონა დიმიტრევნა ამბობდა მოთქმით  
და თანაც ღვრიდა ცრემლებს მდულარეს.  
იხმობს სტეფანე პარამონის-ძე,  
იბარებს სახლში ორ უმცროს ძმასა.  
მოვიდნენ ძმები, მისცეს სალამი  
და მას ლიტყვები ჰკადრეს ასეთი:  
„აბა, ვვამბე ყველაფერი, უფროსო ძმაო;  
რა მოგივიდა, გასაჭირი თუ რა შეგემთხვა,  
რომ გვიხმობ სახლში ამ ბნელი ღამით,  
ამ ბნელ და ყინვით მზარავ ღამეში?“

---

— თქვენ, ჩემო, ძმებო, საყვარელო, უნდა ვიამბოთ,  
რომ თავს დამატყდა სუშინელი უბედურება:  
მეფის ბოროტმა ოპრინიკმა კირიბევიჩმა  
ჩვენი ოჯახი შეურაცყო პატიოსანი.  
ასეთ შერცხვენას ვერ აიტანს ადამიანი  
და ვერ მოითმენს ვაჟაკის გული.

ხვალ, როცა კრივით შებრძოლება ვაიმართება  
მდინარე მოსკვას ნაპირებზე მეფის დასწრებით —  
მე ოპრიჩნიკთან საბრძოლველად უნდა გავიდე!  
შევეებრძოლები სასიკვდილოდ, მთელი ძალ-ლონით.  
თუ დამამარცხა — მაშინ თქვენ ვადით.  
სიმათლისათვის დასდევით თავი!  
არ შედრკეთ, ჩემო საყვარელო, ერთგულო ძმებო!  
თქვენ უფრო შეგწევთ, ხართ უმცროსნი, ძალ-ლონით სავსე,  
თქვენ არ მიგიძღვით ჩემოდენი ცოდვა და ბრალი,  
გამჩენი ეგებ ჩემზე მეტად თქვენ შეგიწიოს!“

შას საპასუხოდ ძმებმა ჰკადრეს სიტყვა ასეთი!  
„საითაც ქარი დაუბერავს ზეცის წიაღში —  
იქეთ მორჩილად მისცურავენ მუდამ ღრუბლებიც.  
როდესაც ყრუნი არწივის ხმა გაისმება  
ბრძოლის სისხლიან ველისაკენ მომწოდებელი,  
რომ მოხდეს ლხინი, დახოცილთა ლეშების კორტნა —  
არწივის ბაჩტყებს ეჩქარებათ მისკენ გაფრენა.  
შენა ხარ ჩვენი მმა უმფროსი, მეორე მამა.  
მოიქეც ისე, როგორც იცი, როგორც გნებავდეს —  
ჩვენ კი, მშობლიურს, არ გავწირავთ, არ გიღალატებო.“

\*

\* \*

ჰეი, ბიჭებო, იმდერეთ, მწყობრად ფანდღუი აქდერეთ!  
ჰეი, ბიჭებო, დალიეთ, საქმისთვის მოიცალეთ!  
მხოლოდ გაართეთ ბოიარინი ჩვენი კეთილი  
და ბოიარინია პირმანგოსანი!

3.

მოსკოვს დიადს და ოქროთმოქედისს,  
კრემლის თეთრქვიან, ბრწყინვალე კედლებს,  
სახურავეებზე ცელქი ნავარდით,  
რუბი ღრუბლების ცაში გაფანტვით,  
შორი ტყიდან და ლურჯი მთებიდან —  
წითლათ აისი გადაეფარა.  
გაშალა ოქროს ხუტუქა თმები  
და თოვლის ფიფქით პირს იბანს ნაზად  
და, როგორც სარკეს მზეთუნახავი,  
გასცქერის ზეცას და ელიმება.  
რად გაიღვიძე, რათ იფეთქე წითლათ აისო?  
რა სიხარულის მოლოდინში ცელქობ, ხალისობ?

იკრიბებოდნენ და გროვდებოდნენ  
მთელი მოსკოვის ვაჟკაცები — მოკრივეები  
მდინარე მოსკვას ნაპირებზე შესაბრძოლებლად.  
თავგასართობად და სასეიროდ.  
და თავათ მეფე გამობრძანდა თავის ამალით  
ოპრიჩნიკებით, ბოიარებით.  
გასცა ბრძანება — გაეჭიმათ ჯაჭვი ვერცხლისა  
წმინდა ოქროთი ყოველ რგოლში შედუღებულნი.  
ოცდა ზუთ საენის შემორკალეს ჯაჭვით ფართობი,  
რომ იქ მსურველებს გაემართათ პირისპირ პიროლა.  
ბრძანა ივანე ვასილის-ძე მეფემან მაშინ,  
რომ მიემართათ ხალხისათვის მკვეთრი ძახილით:  
„ჰოი, სადა ზართ ბრვე ვაჟკაცებო,  
რომ ჩვენი მამა, ჩვენი მეფე ამხიარულოთ?  
აბა გამოდით მოედანზე შესაბრძოლებლად:  
ვინც გაიმარჯვებს — მას საჩუქარს უბოძებს მეფე,  
ვინც დამარცხდება, — აპატიებს, შეუწოდებს ღმერთი!“

---

მაშინ მამაცი გამოვიდა ყორიბევიჩი.  
მეფეს უსიტყვოდ თავს უკრავს დაბლა.  
ხავერდის შუბას გადაიგდებს ფართო მხრებიდან,  
მარჯვენა ხელით მოიდგამს დოინჯს,  
მეორე ხელით თავის წითელ ქუდსა ისწორებს.  
პოელოდება იგი თავის მოპირდაპირეს.  
სამჯერ გაიხმა ხმამალალი გამოძახება.  
არცერთ მებრძოლმა არ ისურვა ფეხის გადადგმა.  
სდგანან და მხოლოდ უბიძგებენ ჩუმად ერთმანეთს.

---

დაიარება ოპრიჩნიკი დიდ მოედანზე,  
ცულ მოკრივეებს იგი დასცინის:  
„მიუყრდით განა და ჩაეარდით საგონებელში?  
დე იყოს ეგრე. ამ უქმისთვის გაძლევეთ პირობას  
გაგიშვებთ ცოცხალს, მოსანანებლად,  
მხოლოდ ჩვენს მეფეს გავართობ და ვამხიარულებ“.

---

აი შეირხა და შუაზე გაიყო ხალხი:  
მოედნისაკენ ახალგაზრდა მოდის ვაჟარი —  
თავათ სტეფანე პარამონის-ძე,  
მოკრივე მხნე და უშიშარი კალაშნიკოვი.

მეფეს შროსხანეს მან პირველად სალამი მისცა,  
შემდეგ თეთრ კრემლსა და წმინდა ტაძრებს,  
შემდეგ კი რუს ხალხს დღეს აქ შეკრებილს.  
თვალეზი მისი შევარდნისა ბრწყინავენ ცეცხლად  
და შეუპოვრად შესცქერიან მოაბირდაპირეს.  
მასთან პირისპირ იგი ჩერდება  
და ხელთათმანებს კრივისთვის ხელეზზე იცვამს.  
ფართო, ძლიერ მზრებს ისწორებს ღინჯად,  
თანაც ხელს ისვამს ხუჭუჭა წვერზე.

---

მას ეუბნება კირიბევიჩი:

„მითხარი მაინც, ვაჟკაცო ჩემო,  
რა გვფარისა ხარ, ან რა ტომისა,  
რას გიწოდებენ, ან რა გქვია?  
ვიცოდეთ მაინც პანაშვილი ვის გაღუხადოთ,  
ვიცოდეთ, მაინც რით დავიკვებნოთ!“  
ამბობს სტეფანე პარამონის-ძე:  
„სახელად მქვია მე სტეფანე კალაშნიკოვი,  
პატოსანი მამისაგან მე ვარ შობილი,  
ღვთისა კანონით ვცხოვრობდი მუდამ,  
მე სხვისი ცოლი არასოდეს შემირცხვენია,  
არც ყაჩაღობას ბნელ ღამეში არ ვეწვოდი  
და მზის სინათლეს არ გავურბოდი!  
ჭეშმარიტია ის სიტყვები შენ რომ წარმოსთქვი:  
ჩვენს შორის ერთზე გადინდიან ალბათ პანაშვიდს  
და ეს უთუოდ უნდა მოხდეს ზვალვე, შუადღით.  
ჩვენ შორის ერთი დაიწყებს, კვებნას  
როს თავის მამაც მეგობრებთან გამართავს ქეიფს.  
არა სახუმროდ, არა ხალხი რომ გაეაცინო,  
შენს წინააღმდეგ გამოვსულვარ, თათრის ნაშობო  
საბედისწერო, უკანასკნელ ბრძოლისთვის ახლა!“

---

როს ეს სიტყვები მოისმინა კირიბევიჩმა —  
გაუთრდა ისე, როგორც თოვლი შემოდგომისა.  
ანთებულ თვალებს თითქოს ბინდი გადაეფარა,  
ძლიერ ბეჭებში გაურბინა ცივ ურუანტელმა,  
გახსნილ ტუჩებზე გაეყინა სათქმელი სიტყვა.

---

აი ერთმანეთს სცილდებიან ჩუმად ისინი,  
იწყება ბრძოლა ვაჟკაცური, გამართა-გმირული.



შემოიქნია მაშინ მკლავი კირიბევიჩმა  
 და კალაშნიკოვს დაჰკრა პირველმა,  
 დაჰკრა მას მკერდში, შუა მკერდში მთელი ძალღონით.  
 შეირყა მკერდი მხნე მამაცური,  
 შედრკა სტეტანე პარამონის-ძე.  
 მას ფართო ჯვარი სპილენძისა ეკიდა გულზე,  
 ჯვარი წმინდანთა ნაწილებით კიევიდანა.  
 და გაიღუნა ფართოჯვარი, შეიჭრა მკერდში,  
 დილის ცვარივით გამოჟონა წვეთებად სისხლმა.  
 ფიქრობს სტეტანე პარამონის-ძე:  
 „რაც ბედით არის განზომილი — ის ასრულდება;  
 სიმართლისათვის უნდა დავდო დღეს ჩემი თავი!“  
 გამხნედა გულით და მოემზადა,  
 მთელი ძალღონე შემოიკრიბა,  
 და გამეტებით დაჰკრა მოძულეს,  
 დაჰკრა მარცხენა საფეთქელში დაურიდებლად.  
 და ახალგაზრდა ობრიჩნიკმა ამოიგმინა,  
 შეიჩხრა ტანით და უსულლოთ მიწას დაეშვა.  
 დაეცა იგი, გაიშხლართა უძრავად თოვლზე,  
 დაეცა თოვლზე, როგორც ფიჭვის ხე,  
 როგორც ფიჭვის ხე უდაბურს ტყეში  
 ძირში მოჭრილი წამოიქცევა...  
 მეფე ივანე ვასილის-ძე ამის მნახველი  
 განრისხდა ძლიერ და გაგულისდა.  
 შავი წარბები მან შეჰყარა და თანაც ბრძანა,  
 რომ წამს შეეპყრათ ეგ მამაცი ვაჭარი მცველებს.  
 და მოეყვანათ მის წინაშე პასუხსაგებად.  
 მაშინ გაისმა ხმა მეფისა მართლმადიდებლის:  
 „მომეც პასუხი უტყუარი, სინდისიერი,  
 ნებით მოჰკალი თუ უნებლიეთ  
 ჩემი ერთგული მოსამსახურე,  
 ჩემი მოკრივე ყველასმჯობნი კირიბევიჩი?“

— ჰოი, მეფეო, გეტყვი სიმართლეს,  
 რომ მოვკალ იგი ნებით, განზრახვით,  
 მხოლოდ არ გეტყვი რისთვის, ან რატომ,  
 მხოლოდ ჩემს გამჩენს ვუამბობ ამას.  
 ბრძანე, სიკვდილით რომ დამსაჯონ, ბრძანე მომკვეთონ  
 ეს ჩემი თავი დამნაშავე, მხოლოდ გთხოვ იმას,  
 არ დამიტოვო უპატრონოდ ნორჩი ბავშვები,  
 არც ჩემი ცოლი ახალგაზრდა დაქვრივებული  
 და ორ ძმას ჩემსას არ მოაკლო შენი წყალობა...“

„მომწონს, ქაბუკო, ვაჭრისა შეილო,  
 შეუპოვარო და მამაცი ჩემო მოკრივევ,

რომ მიპასუხე სინდისიერად.  
ცოლს ახალგაზრდას და ობლებს შენსას  
ჩემს სალაროდან დავასაჩუქრებ,  
შენს ძმებს ამ დღიდან მივცემ უფლებას,  
რომ მთელ რუსეთის დიდ სამეფოში  
დაუბეგრავად მუდამ ივაჭრონ,  
მაგრამ შენ თავათ წადი, ჭაბუკო,  
სიკვდილით სასჯელ მაღალ ადგილზე —  
იქ დასდე შენი მშფოთარე თავი!  
ვბრძანებ, გალესონ და მოპირონ კარგად ნაჯახი,  
ვბრძანებ, ჯალათი რომ მოკაზმონ და გამოაწყონ,  
ვუბრძანებ, დიდი დარეკონ ზარი,  
დე, მცხოვრებლებმა მოსკოვისა ყველამ იცოდეს,  
რომ არც შენა ხარ მოკლებული ჩემსა წყალობას...“

გროვდება ხალხი და თანდათან აცხებს მოედანს.  
მწუხარედ კენესის, გუგუნებს ზარი,  
ამბავს საზარელს აცნობებს ყველას.  
სიკვდილით სასჯელ მაღალ ადგილზე  
წითელ პერანგში გამოწყობილი  
აეარვარებულ დიდი ნაჯახით  
და გაწიშვლებულ ხელების სრესით  
აუჩქარებლად დადის ჯალათი.  
მოელოდება მამაც მოკრივეს.  
მაგრამ ვაჭარი ახალგაზრდა და მხნე მებრძოლი  
მკვიდრ ძმებს თავისას ემშვიდობება:

„ჰოი, თქვენ ძმებო, ჩემნო სისხლო და ხორციო!  
გადავეხვიოთ და ვაკოცოთ ერთმანეთს ახლა,  
უკანასკნელი განშორების მოვიდა წუთი!  
ჩემს ალიონას გადაეცით ჩემგან სალამი,  
უთხარით ერთობ ნუ იდარდებს და ნუ იჯაფრებს...  
პატარა ბავშვებს ნუ უამბობს ჩემზე ნურაფერს,  
პატივისცემით მომიკითხეთ მშობელთა სახლი,  
პატივისცემით მომიკითხეთ ამხანაგები.  
თქვენ თავათ წადით და ილოცეთ წმინდა ტაძარში,  
ღმერთს შეავედრეთ ჩემი სული, სული ცოდვილი!“

და დაისაჯა კალაშნიკოვი  
სამარცხვინო და სასტიკ სიკვდილით.  
მისი ნაკვეთი ტიალი თავი  
სისხლში ვასერილი მიწას ვაგორდა.  
დასაფლავებს იგი მოსკვა მდინარეს იქით,  
მინდორში, სადაც სამი გზა მიდის:  
ტულის, რიაზანის და ვლადიმირის.

მის საფლავს მიწა მთად დააყარეს  
და ჯვარი ზისა მასზე აღმართეს.  
და შრიალეებენ, მიმოჰქრიან ქარნი ვერანნი  
მის უსახელო სამარეზედა.

კეთილი ხალხი ამ საფლავის მახლობლად დადის.  
მონხუცი კაცი გვერდს გაუვლის — პირჯვარს გადიწერს,  
კონტა ჭაბუკი გვერდს გაუვლის — მხრებს გაისწორებს,  
ტურფა გოგონა გვერდს გაუვლის — გულს დაილონებს,  
მეთანდურენი გაივლიან — სჭიქენ სიმღერას.

ჰეი, ჭაბუკნო, მამაცნო  
მეთანდურენო ვაჟკაცნო,  
ხმებო წკრიალა, წარმტაცნო!  
კარგად დაიწყეთ და კარგადაც დააბოლოვეთ,  
ყველას მართალი, საკადრისი სიტყვა უპოვეთ!  
დარდიმანდ ბოიარინს — დიდება!  
ბოიარინიას ტურფას — დიდება!  
და ქრისტიანულ მთელს ხალხს — დიდება.

თარგმნილია კოლაუ ნაღირაძის მიერ

# პ რ ი მ ი ა ა

ზიგრაგი ნატკოშვილი

## გრიგოლ ორბელიანი

მეცხრამეტე საუკუნის პირველ ნახევარში ტფილისი ის-ის იყო ახლად ათავსებდა პატრიარქალურ ტრადიციებს ცივილიზებული ევროპის მანერებთან. მრავალფეროვანი იყო ცვლილებანი, რომელსაც მაშინ ტფილისის ცხოვრება განიცდიდა. მაგრამ წაბაძულობის სული მაინც ვერ ჰშლიდა ნაციონალურ თავისებურებებს, არამედ ათავსებდა, აერთიანებდა, ათანხმებდა მათ ახალთან, როგორც ყოფაცხოვრებაში, ისე ლიტურატურაში. აღზრდილ, პოეტური და საყოფაცხოვრებო ტრადიციებით გრ. ორბელიანი მთლიანად ამ ტფილისის ეკუთვნოდა. ამ ქალაქში დავაყვაცდა მისი პოეტური შთაგონება. და თუ მას სადმე შორს ყოფნა უზღებოდა—მაინც აქეთ მოუწევდა გული. „კაცს შეუძლიან ყველგან იყოს,—ამბობდა იგი,—თუნდ იაპონიაში, თუნდ შვეიცარიაში, თუნდ ინგლისში, მაგრამ ცხოვრებით კი მარტო თბილისში უნდა იცხოვროსო.“<sup>1)</sup>

მისი ცხოვრების საუკეთესო მოგონებანი, ისევე როგორც მისი საუკეთესო ლექსები ტფილისთან არიან დაკავშირებული; არა პოლიტიკურ და ადმინისტრაციულ ტფილისთან, ერმოლოვისა და პასკევიჩის რეზიდენციასთან, არამედ ხელოსნების, მეთევზეების, ყარაჩოღელთა ქალაქთან. პოეტმა ყველა საფეხური გაიარა იუნკრობიდან გენ.-ადიუტანტობამდე და მაინც მისი სულიერი ნათესაობა ამ მდაბიო ხალხთან, ამ მაშინდელი ტფილისის მესამე წოდებასთან არ გაწყვეტილა. ყველაფერი ეს ნათელ შუქსა ჰდენს მისი პოეზიის ერთ ფრიალ მნიშვნელოვან მხარეს,—მის მუხამბაზურ ლექსებს.

ის მთლიანად აღმოსავლური ტემპერამენტის ადამიანი იყო, აზიური განცხრომისა და დიდების მოყვარე. ტყუილად კი არ სწერდა პოეტი ვილნოდან ანტონ ორბელიანს „აზიატეცი ვარო“. ნახევრად ირონიულად და ნახევრად სიამაყით მთითლებთან ომის დროს თავის თავს „პაქიმ ხან ემირ ავარსა“ და „ქინიაზ ხან ორბელიანს“ უწოდებს. ყირიმის ომის წინა დღეებში შიშითა და იმედით მოელის პირველი ზარბაზნების დაქუხებას არფაჩის ნაპირებზე, გული აღარ უჩერდება ზაქათალაში და „ტრაპიზონტის ფაშობაზე“ ოცნებობს. თავისი მხედრული ცხოვრებით ის მართლაც მოგვაგონებს იმ ძველ ქართველ

<sup>1)</sup> ი. მენარკია — ცხოვრება და ღვაწლი გრ. ორბელიანისა, გვ. 172.

ლებს, რომელნიც ოდესღაც, წინა საუკუნეებში, ხანებისა და ფაშების ტიტულებით უცხოელთა ჯარებს მეთაურობდნენ.

როგორც კი დაამთავრა ტფილისში შფოთიან დროს გატარებული თავისი ყრობის წლები — სულ მალე, ადრეულ სიჭაბუკეშივე მან მხედრის ცხოვრება დაიწყო. მთელი ის გაჭირვება, სიძნელე, რაც განუყრელად თან ახლდა იმ დროის გაუთავებელ ლაშქრობათა მონაწილეს—მისი ცხოვრების მუდმივი თანამგზავრი გახდა. თავის დღიურში მან ეს ცხოვრება დაახასიათა როგორც „ანაზღეული და ერთბაში გადასვლა სიმდიდრიდან სიღარიბეში, ბალიდან პახოლში და წვიმაში“... ბედის ძიებამ დიდხანს ატარა იგი „იმიერ მთათა, მხარესა უცხოასა“, ხან აქეთ და ხან იქით გადაისროლა, მანამდე ვიდრე ბოლოს თხუთმეტი წლის განმავლობაში დაღესტნელთა პირისპირ არ დააყენა. ამ წლებამდე მას უკვე მიღებული ჰქონდა პირველი საბრძოლო ნათლობანი ირანელებთან ბრძოლაში შამქორის ახლოს, ირაკლის თავასთან და ერევნის ბურჯებთან, სადაც რუსებმა სასტიკად დაამარცხეს აბას-მირზას საარბაზები. გრობელიანი მონაწილე იყო თურქეთთან ბრძოლებისაც, რომლის დროს რუსის არმიამ ჯერ ყარსი, შემდეგ ახალქალაქი, ხერთვისი და ახალციხე აიღო.

და სწორედ ამ ხანებში ახალგაზრდა პორუჩიკის ფიქრი სხვაგან ქროდა და სხვა იდეებით იყო პოეტი გატაცებული.

ეს მნიშვნელოვანი პერიოდი იყო გრ. ორბელიანის ცხოვრებისა და შემოქმედებისა.

ჩვენს ლიტერატურაში გრ. ორბელიანი ცნობილია, როგორც დაუძინებელი მტერი კავკასიის მთიელთა გამათავისუფლებელი მოძრაობისა, მაგრამ ასევე ცნობილი როდია ის ფაქტი, რომ ადრეულ ხანებში პოეტი ამავე მთიელთადმი სიყვარულით იყო აღსავსე. საგულისხმოა, რომ—როცა რუსეთში მიმავალ პოეტს ყაბარდოზე გავლა მოუხდა, ყაბარდოელების შესახებ მას ასეთი სტრიქონები ჩაუწერია თავის დღიურში: „უწინ ძლიერი ხალხი იყო. გარნა საშინელმა ჭირმან განწყვიტა და შემდეგ ბრძოლამან პირისპირ რუსთა. უმეტესი ნაწილი ხალხისა წინააღმდეგი იყო ყოველისა მორჩილებისა, გაიქცა ყუბანის იქით. ყაბარდოელნი არიან თავისუფლების მოყვარენი, რომლისათვისაც ებრძვიან რუსთა ესოდენტთა წელთა, რომელთაც შეავიწროვეს ფრიად, დაამცირეს და დაიპყრეს მთელი ყაბართო. გარნა სიყვარული თავისუფლებისა ვერა აღზოცეს მათში. ესენი არიან მხნენი და ყოველთვის საომრად გამზადებულნი და მარადის ეძიებენ შემთხვევას, რათა დაიხსნან მამული თვისი.“<sup>1)</sup>

და შემდეგ:

„უწინ აროდეს არ დაუტოვებდნენ ომში მკვდარსა თვისსა და არც დაწებდებოდნენ ტყვედ; მრავალჯერ იყო მაგალითი, რომელ შემწყვდეული ყაბარდოელი, რა ვედარ ნახავდა გზას გასაქცევად დაამსხვრევდა იარაღთა თვისთა და მხოლოდ ხანჯლით ანუ ხმლითა შეუტევთა მტერთა და ისე მოკვდებოდა. ტყვეობას ერჩივნათ სიკვდილი.“<sup>2)</sup>

აქ იგივე სიყვარულია მთიელთადმი, რომელსაც იმ დროის რუსულ პოეზიაში ვხვდებით.

<sup>1)</sup> გრ. ორბელიანი — მგზავრობა ჩემი თბილისიდან პეტერბურგამდე. „მნათობი“, 1940 წ. № 2, გვ. 76

<sup>2)</sup> იქვე, გვ. 76 — 77.

საერთოდ რუსეთის მონარქიულ იმპერიაში მომწყვდეულ დაჩაგრულ ხალხებს რომანოვების ოფიციალური რუსეთის, სამხედრო ფეოდალური ბიუროკრატიის წინააღმდეგ ბრძოლის სულიერ იარაღს თვით რუსი ხალხი, მოწინავე რუსი ინტელიგენცია აწვდიდა.

და თუ ცარიზში აღრჩობდა და სთვლავდა ერებს — მოწინავე რუსი ინტელიგენტი ამ ხალხის თავისუფლებაზე ოცნებობდა.

ეს იყო წლები, როცა იწყებოდა მეცხრამეტე საუკუნის ნაციონალურ-გამათვისუფლებელი ბრძოლების ვრცელი ეპოქა. რუსულ პოეზიაში მკაფიოდ ისმოდა დესპოტიზმის წინააღმდეგ, მონური მორჩილების წინააღმდეგ პროტესტის ხმა.

ჩქარა სიტყვას საქმეც მოჰყვა. დეკაბრისტებმა თავისი გამოსვლით რუსეთის რევოლუციური მოძრაობის ერთი უშესანიშნავესი ფურცელი გადაშალეს.

ასეთ დროს ქართულ ენაზე ითარგმნება რილეევის „ნალივაიკო“. მაგრამ „ნალივაიკოს აღსარება“ ზუსტი თარგმანი არ არის. გრ. ორბელიანს ოგი ისე გაუქართულებია, რომ მასში ლაპარაკია უკვე არა უკრაინელი, არამედ ქართველი ხალხის ჩაგვრის შესახებ და თარგმანში ამავე დროს შენარჩუნებულია სამშობლოსთვის თავდადების, საკუთარი პიროვნების შეწირვის იდეის აპოლოგია.

როცა ეს ლექსი ითარგმნებოდა — დეკაბრისტების მოწამეობრივი სიკვდილი უკვე ისტორიული. ფაქტი იყო. უკვე წარმტაც ლეგენდებად თავგანწირვისა და ბრძოლის სიმბოლოებად იყვნენ გადაქცეული თოთხმეტი დეკემბრის ადამიანები; ხუთმა სახრჩობელამ, რომლითაც თავის მეფობა დაიწყო ნიკოლოზ პირველმა, ხოლო რომლითაც სიცოცხლე დაამთავრეს სიმამაცით და ვაჟკაცობით აღსავსე თავად-აზნაურულმა რევოლუციონერებმა, ვერ ჩაჰკლა კრამოლას სული, პირიქით უფრო გააღვიძა ტკივილისა და მოქალაქეობრივი უფლებებისთვის ბრძოლის წყურვილი.

და რაც ყველაზე ღირსშესანიშნავი და რომანტიულია მთელ ამ ისტორიაში, ეს არის ის ფაქტი, რომ „ნალივაიკოს“ აღსარებამ რილეევის ჩამოხრჩობის შემდეგ ახალი აზრი, ახალი განათება მიიღო. რილეევს თავის თავზე აუხზდა „ნალივაიკოში“ ნათქვამი სიტყვები:

«Погибну я за край родной,—  
я это чувствую, я знаю,  
и радостно, отец святой,  
свой жребий я благословляю.»

დეკაბრისტების დაღუპვის შემდეგ უკვე უფრო მეტად ნათელი იყო, რომ ეს ლექსი უმიზნებდა არა მარტო პოლონეთის შლიახტას, არამედ რუსეთის ცარიზმსაც. ეს იყო მრისხანე მუქარა მტარვალთა მიმართ, და ასეთად ისმოდა გრ. ორბელიანის თარგმანშიც:

„მე თავისუფლებისათვის სული მარადის მიკენესის,  
და ეს ოცნება დღე და ღამ ვითა აჩრდილი თან მდევნის“

ნალივაიკოს სულისკვეთება შენარჩუნებულია გრ. ორბელიანის ლექსში: სულიერი მოძღვარი აფრთხილებს ამხედრებულ გმირს, ზეციური რისხვითა და საუკუნო ტანჯვით აზინებს მას; მაგრამ ნალივაიკოზე ზეციური მუქარა არა სჭრის. მისთვის ნამდვილი ჯოჯოხეთი ისაა, რომ ტყვედქმნილ მამულს შესცქერის, ხოლო სასუფეველია, როცა მას თავისუფალს დაინახავს. ლექსში

კომპრომისისა და შერიგების ნატამალიც არა ჩანს. პოეტი აცხადებს: „მტრისა სისხლისა ვარ დასათხვეად მოსურნეო“.

და უნდა ითქვას, რომ ეს მარტო ეროვნული რადიკალიზმი არ იყო. დროის მოკლე პერიოდის განმავლობაში, შეიძლება ითქვას, გრ. ორბელიანის მსოფლმხედველობაში იყო ერთგვარი, თუმცა ძლიერ სუსტი, განხრა ბურჟუაზიულ-დემოკრატიული იდეებისაკენ. რა ვუყოთ რომ ის არისტოკრატი იყო! კ. მარქსი ამბობდა: „... არ უნდა წარმოვიდგინოთ, რომ დემოკრატიული წარმომადგენლები ყველა მედუქნეები ან ამათი მოტრფიალენი არიან. თავიანთი განათლებისა და ინდივიდუალური მდგომარეობის მიხედვით მათ შეუძლიათ ამ უკანასკნელთაგან ისე იყვნენ დაშორებულნი, როგორც ცა დედამიწისაგან.“<sup>1)</sup> სუსტი ტენდენცია პოეტს ამ იდეებისაკენ რომ ჰქონდა, ამას თუნდა ისიც ამტკიცებს, რომ იგი იმ ხანებში საქართველოს აღორძინებას „მსწავლულ კაცთა და ხელოსანთა“ ხელით აპირებდა.

მაგრამ მთავარი ის არი, რომ 1832 წლის შეთქმულებაში ასეთი ტენდენციები ძალიან შკრთალი იყო. 1832 წლის შეთქმულებას ახასიათებდა პირველი ცდის გაუბედაობა, შიში საკუთარი მიზნების უზომო სიდიდის წინაშე, შიში გადამწყვეტი ნაბიჯების გადადგმის წინაშე. არ იქნება სწორი იმის თქმა, თითქოს შეთქმულებს პოლიტიკური პროგრამა არა ჰქონდათ, რადგან ისინი პროტესტანტულად იყვნენ განწყობილნი და პოლიტიკური პროტესტი საგეზბით თანაბარია პოლიტიკური პროგრამისა, მაგრამ ლიტონ სიტყვას; უიარაღო აღშფოთებას, რომელიც ზიშტის ჯავშანში არ არის ჩაცმული და რომელსაც ხალხი არა თუ მხარს არ უჭერს, არამედ მისი არსებობაც კი არ იცის—ცხადია ძალა არ ექნებოდა. თვით შეთქმულების მეთაურნი ეჭვით შესცქეროდნენ თავის საქმეს, განუწყვეტილვ მერყეობდნენ, არა ჰქონდათ პოლიტიკური რადიკალიზმი, ამიტომ იყო ეს შეთქმულება ქართული ინტელიგენციის მოუმიწიფებლობის ნათელი დემონსტრაცია.

რეპრესიების შემდეგ, რომელიც მოჰყვა 1832 წლის შეთქმულებას, ოცდაათიანი წლების ინტელიგენციამაც დაამთავრა თავისი ბუნტარობის პერიოდი და ზავი ჩამოაგდო არსებულ სინამდვილესთან.

ახალ პირობებში მას ფართო გასაქანი ჰქონდა. ცარიზმი ცეცხლითა და მახვილით ეუფლებოდა ურიცხვ ტომთა ტერიტორიას. აფართოებდა თავისი გავლენის სფეროს, ამ გზაზე იგი მრავალ წინააღმდეგობას ხვდებოდა, რომელთაგან ყველაზე ძლიერი—ეს მთიულების წინააღმდეგობა იყო. მაგრამ ახლა გრ. ორბელიანს მთიულების ბრძოლა რომანტიულ სევდას აღარ აგრძობინებდა. მისთვის ეს ბრძოლა ყოველდღიურობის მოსაწყენ პროზად გადაიქცა.

ომს, რომელშიც შამილი იცავდა კავკასიას, მთელი ევროპა თვალს ადევნებდა. გრ. ორბელიანი ამ შეტაკებების შუა გულში ტრიალებდა, მაგრამ ის არა ყოფილა იმ ბანაკში, სადაც დაჩაგრულ საქართველოს შვილს უნდა ებრძოლა.

გრ. ორბელიანის გულმოდგინეობა კავკასიის ომში რომ მარტო აქსელბანტებისა და ორდენების ჩიყვარულით აფხსნათ—ეს ცალმხრივობა იქნება. პოეტს—თუმცა შემცდარი და არა სწორი—მაგრამ მაინც თავისი ფსიქოლო-

<sup>1)</sup> კ. მარქსი — „თვრამეტი ბრიტმერი ლუი მონაპარტისა“. ქართ. გამოცემა, გვ 48-49

გიური მოტივები ჰქონდა, რომელნიც მის სინდისს ამწეიდებდნენ. ის თითქოს გრძობდა, რომ მთელ ამ ბრძოლებში იზოგებოდა საქართველო, ის ფიქრობდა, რომ გერგებილთან და სალათავის მთაგრეხილზე აგრძელებდა ქართული პატრიოტიზმის საქმეს, მას ეგონა, რომ იმ ქალებისა და ბავშვების სისხლს იღებდა, რომელნიც ვინ იცის რამდენი წაუყვანიათ მთიელებს ახალციხის გზით და აღმოსავლეთის ბაზრებზე გაუყიდნიათ, რომ აგრძელებდა პატარა კახის საქმეს, რომელიც გულმოკლული ჩიოდა: „ლევთა გაალაგეს საქართველო“. ეს ხმა მკაფიოდ ისმის მის წერილებში. „მაშა ვაცხოწვე, ეს სულ საქართველოს სისხლის ღაღადისიაო“, გაიძახოდა იგი—გასცქეროდა რა აოხრებულ დაღესტანს.<sup>1)</sup> და გრ. ორბელიანი დარწმუნებული იყო, რომ ქუთიშას შთაზე კვლავ საქართველოს იცავდა და მისივე სიტყვით მას ცალი ფეხი ავარიის ყანყრატოზე რომ არა სდგომოდა—მთიულები „თბილისის აბანოებამდის დაიძახებდნენ ლაილასაო“.

ჩვენი აზრით ამის შემდეგ უკვე ნათელია, თუ რატომ მოხდა რომ მთიულების ბრძოლის რომანტიულმა გატაცებამ, რომელიც ტონს აძლევდა იმდროინდელ რუსულ პოეზიას—იოტის ოდენა გავლენაც ვერ მოახდინა გრ. ორბელიანის შემოქმედებაზე. ის უკვე ახლა ვერავითარ რომანტიზმს დაღესტნელების ბრძოლაში ვეღარ ხედავდა.

ეს ხუთმეტი წელი მისთვის პოეტური დეპრესიის წლები იყო. „მტერი, ხალხის არეულობა,—სწერდა პოეტი ქეთევან ორბელიანს,—ომები არ მაცლიდნენ წერისთვის და ანუ რა დროს წერა იყო და ვისა ჰსცალოდა“.<sup>2)</sup>

მთელი ამ ხნის განმავლობაში მას ერთი ორი ლექსის მეტი არ დაუწერია.

ქარიშხალი ყველა იალქნებს არა ჰყოფნიდა.

გვიან, მოხუცებაში, ისე—როგორც სიჭაბუკეში, ერთი წუთით კვლავ იგრძნო გრ. ორბელიანმა კავკასიის მთიელთა ბრძოლის სიდიადე. „ნუ თუ მართლა კავკასიაში იყო ასეთი გამწვავებული ომი და ამ სისხლისღვრაში ჩვენც ვიღებდით თითონ მონაწილეობას? იქნება უსაქმური ხალხის უბრალო რამ მონათხრობი იყოსო“,—სწერდა მოხუცი პოეტი ერთ თავის მეგობარს და რაღაც მოწიწებით ამბობდა კავკასიის შესახებ: „მორჩილებით გადაწოლილა ეს ბუმბერაზი ერთი ზღვიდან მეორემდისა და არარაიცი, მკვდარია თუ სძინავს მას“.

მაგრამ ბუმბერაზის მორჩილება ბოღმითა და რისხვით იყო სავსე.

• • •

გრ. ორბელიანის პოეზია უაღრესად პლასტიური და კონკრეტულია. ცოცხალი ადამიანური ვნებანი მის ლექსებში არასოდეს შიშველი ალეგორიების სახით არ გვევლინებიან, მის ლირიკაში ისმის ის დაფარული ჰარმონია, რომელშიც პოეტის სული გაერთანებულია მსოფლიოსთან, ჰარმონია, როცა პოეტი შთანთქმულია იმ საგანში, რომელმაც მისი ფანტაზია გააღვიძა, აღსავსეა იმ საგნით, სახეებით და რეალობით, რომელიც თავის ლექსის თემად აულია. ეს ითქმის კერძოდ იმ ლექსებზე, რომლებშიც პოეტი თბილისის მო-

1) ასევე აფასებდა კავკასიის ომს ნიკოლოზ ბარათაშვილი. იხ. მისი ლექსი — „ომი საქართველოს თავად-აზნაურ-გლებთა პირისპირ დაღესტნისა და ჩიჩნელთა, წელსა 1844-ს, მძღვანელობისა ქვეშე ლუბერნიის მარშლის, თავადის დიმიტრი თამაზის-ძის ორბელიანისა“.

2) გრ. ორბელიანი — წერილები, ტ. II, აკ. გაწერელის რედაქციით, გვ. 65.



ქალაქის როლში დგება და მისი თვალთ შესტკერის ქვეყანას. ნათელ მხიარულებით, სულიერი თავისუფლებით და რაღაც უშუალო უზრუნველობით და სილაღით აღსავსეა მისი ლექსები: „დიმიტ. ონ-ის დარღები“, „არავისთვის მე დღეს არა მცალიან“, „საერთოვას მიბაძვა“, „გინდ მეძინოს, მაინც სულში მიზიხარ“, „სულით ერთნო, მოლხინენო, აწ შეკრბით“, „სალომეს ბეჟანა მკერვალის მაგიერ“ და სხვები. აქაა ყველაზე უფრო მძაფრად ადგილის კოლორიტი, უკეთ რომ ვთქვათ, ნიშანწყალი თავისი დროისა და გარემოცვისა, ცოცხალი ადამიანური სინამდვილისა. აქ პოეტის ლექსი თავის რეალიზმით თითქმის უთანაბრდება ხალხურ პოეზიას, აქ ისეთი ღონიერი სიყვარულია სიცოცხლისა, იმდენი მოძრაობაა, იმდენი ფერადოვნება, რომ ხანდისხან უბრალო, უხეშ, ერთი შეხედვით შეუფერებელ და ვულგარულ შინაარსსაც ამალღებს და პოეტურ მომხიბლველობას აძლევს. ჩვენ თითქო ცოცხლად ვხედავთ ამ ლექსების პერსონაჟებს — დიმიტრი ონიკოვს, რომელიც ნაბადში გამონვეული, ძალღივითა გდია ქუჩაში და ჰყარაულობს თავის სატრფოს ბინას — ერთ მოაჯირს, ორ პატარა ფანჯარას. და ევედრება თავის სატრფოს: „გამობრწყინდო, მოაჯირზე მზესავით, პირ-დავემხო, მიწას მადლით ვემთხო, მაშინ მნახავ თავი ცამდე ამელოს, ჩემზე მეტად არსად არავინ ჰსჩანდეს! შემიძლიან მაშინ ვებრძო ქვეყანას, შენი ეშხი იმდენს მომცემს ძალასა“; ბეჟანა მკერვალს, რომელსაც თავისი მაკრატელი ავიწყდებოდა და ხელში ქობა მოუვლელი რჩება, როცა ქალებზე ჰვიქრობს.

არიან ცალკეული მკვლევარები, რომელნიც გრ. ორბელიანის ამ ციკლის ლექსებში მარტო შეუფერებელ სიტლანქესა ჰხედავენ. კ. კაპანელის აზრით ამ ლექსებში არის „უარყოფა იმ სულიერი სინაზისა, იმ რელიგიურ-ესთეტიური ხასიათის სევდისა, რომელიც აკავშირებს ადამიანის სულს ტანჯვის და წვალების წუთებში უსაზღვროებასთან. ყარაჩოლობა სპობს, — განაგრძობს მკვლევარი, — ამ მშვენიერ გრძნობას მასხრობით, ღრეობით, ღვინის ორთქლით, გაძლომით, ლოთობით“.<sup>1)</sup> კერძოდ იარალის შესახებ — სადაც პოეტი მოთაღლით, თევზით და მწვანელით აჭრელებულ სუფრაზე, ჯვირნის მწვადზე და კახური ღვინით ავსილ აზარფეშაზე ლაპარაკობს, — კ. კაპანელი სწერდა, რომ აქ „ფიზიოლოგიური განცდის ფორმა ისე ტლანქად არის გამოსახული, რომ სრულებით არ ეგუება რომანტიზმის იდეოლოგიას ევროპული გაგებით“<sup>2)</sup> ცხადია, ამ ლექსებში მართლაც არ არის უსაზღვროების სევდა და არ არის ის რომანტიზმი, რომელსაც კაპანელი გულისხმობს, პირიქით, აქ რეალიზმია, საუცხოო სურათებში და გათქვირებულ ფერადებში გადმოცემული. და ამ რეალიზმში მხოლოდ გარეგნული სიტლანქე როდი უნდა დავინახოთ! აქ ის თვისებებია, რომელიც საერთოდ ყველა ქვეყანაში ახასიათებდა რენესანსის ხელოვნებას. განა ფრანგული აღორძინების გენიოსის ფრანსუა რაბლეს რომანის პერსონაჟები და კერძოდ ძმა ჟანი ან პანურგი თავისი უზრუნველობით, თავისი გულღიობით და უშუალობით გრ. ორბელიანის კინტოებს არ მოგვაგონებენ? მაგრამ ვინ იტყვის, რომ რაბლეს რომანში მთავარი იყო ის შაშხისა და ძებვის მთები, რომლებიც გრანგუზიეს ოჯახში იყო დახვავებული, ან ამავე გრანგუზიეს ნადიმი, როცა 367014 ზარი დაჰკლეს და რაღაც გრანდიო-

1) კ. კაპანელი — „ქართული სული ესთეტიურ სახეებში“, გვ. 55.

2) იქვე, გვ. 49-50

ზული ჭამა-სმა გააჩაღეს. ეს უხეში მატერიალური გარემოცვა, ეს ფონი, ეს აქსესუარები ეხამუშებოდა საშუალო საუკუნოების პასტორალურ ლირიკასა და იდეალიზებული რაინდობის კულტის ტრადიციაზე აღზრდილ ესთეტიურ სმენას. მაგრამ ეს არ იყო რომანის სული, ამ რომანში უხვად იყო გაფაქიზებული მორალიც და გონების საუცხოო სანუკვარიც. შეიძლება მეტისმეტად ღრმად შევიდნენ ეს მწერლები ბრბოს შუაგულში, მაგრამ ეს იმიტომ. რომ უფრო მკაფიოდ ეგრძნოთ რეალობა და უფრო დიდი მანძილით დაშორებოდნენ იმ ხელოვნებას, რომელსაც ზრდიდა საშუალო საუკუნეები ქრისტიანული დოგმატიკის მკაცრად ჩამოყალიბებულ ნორმებზე.

ვიმეორებთ, აქ ეს ტლანქი და უხეში ფონი კი არ იყო მთავარი, არამედ ის ფსიქოლოგიური ინტიმი, რომელიც მწერლებმა ადამიანის ცხოვრების უბრალო ყოველდღიურობაში იპოვნეს. აქ მთავარი იყო დაბრუნება მიწასთან, იმ ცხოვრებასთან, რომელიც მწერალს აინტერესებდა არა მარტო თავისი ლამაზი მხარეებით, არამედ მთელი არსებით. თვით უკიდურესი მოტრფიალე აბსოლიტური სილამაზისა — ჰეგელი — აღფრთოვანებული იყო მურილიოს სურათით, რომელზედაც გამონახულია დედა, რომელიც ბიჭუნისათვის უხილავს, ტილებს ამოარებს, ხოლო ბიჭი არხენად შეეჭყევა პურის ნატეხს. ჰეგელი აღფრთოვანებით ლაპარაკობდა მეორე ამგვარსავე სურათზე, რომელზედაც გამონახულია ორი ბიჭი, ჩამოფლეთილნი და ლატაკები, რომელნიც არხენად სჭამენ ნესესა და ყურძენს. განა ჰეგელს ამ სურათებში ეს ჭამა და ბიჭების ჭუჭყიანი გარეგნობა მოსწონდა? სრულებითაც არა! მამ, რა აზრით აინტერესებდა გენიალურ ფილოსოფოსს ხელოვნების ეს ნიმუშები? ის სწერდა: „ამ ზილატაკეში და სანახევროდ სიშიშველეში გამოსჭვივის სრული უზრუნველობა და შეუწყუხებლობა, ისეთი, ზომლის უმჯობესი თვით დერვიშსაც კი არ შეუძლია ჰქონდეს. გამოსჭვივის ჯანმრთელობისა და სიცოცხლის ხალისის სრული გრძნობა. ეს უზრუნველობა გარეგანისათვის და ამ გარეგანში გამონახული შინაგანი თავისუფლება არის ის, რასაც იდეალის ცნება მოითხოვს. პარიზში არის რაფაელის პორტრეტი ბიჭისა, რომელსაც თავისუფლად დაუყრდნია თავი ხელზე და ისეთი ნეტარებით, ისეთი უზრუნველი კმაყოფილებით გასცქერის შორს თავისუფალ სივრცეში, რომ არ შეგიძლია თვალი მოსწყვიტო ამ სულიერი, ხალისიანი ჯანმრთელობის გამომხატველ სურათს. იმავე კმაყოფილებას გვგვრიან მურილიოს ბიჭებიც. ხედავ, რომ მათ სხვა ინტერესები და მიზნები არ გააჩნიათ, მაგრამ არა გონებაჩლუნგობის გამო: ისინი კმაყოფილნი და ბედნიერნი არიან თითქმის როგორც ოლიმპიელი ღმერთები; ისინი არაფერს არ აკეთებენ, არაფერს არ ამბობენ, მაგრამ ისინი მთლიანი ადამიანები არიან, ჩამოსხმული ერთი ნაჭრისაგან, ყოველგვარი ღაბღისა და სულიერი განხეთქილების გარეშე, ხოლო ამ ყოველგვარი უნარიანობის საფუძვლის არსებობის დროს იქმნება ისეთი წარმოდგენა, რომ ასეთი ბიჭებიდან ყველაფერს კარგს უნდა მოველოდეთ.“

შეიძლება ითქვას, გრ. ორბელიანის პერსონაჟები ამავე თვლით არიან დანახულნი და ამავე ბუნების ადამიანები არიან, ასეთივე მთლიანნი და უზრუნველნი, ცოცხლადგადანახტულნი სინამდვილიდან. გრ. ორბელიანის ამ რეალიზმზე თერგდალეულების ყურადღება თავიდანვე მიიქცია. ილია ჭავჭავაძე, თავის პირველსავე წერილში („ორიოდე სიტყვა თავად რევაზ შალვასძე ერისთავის

ვის მიერ კანლოვის შემოღობის თარგმანზედა“), რომელიც 1861 წელს დაიბეჭდა „ცისკარში“ — სწერდა:

„აბა, აიღეთ ურითმო ლექსები თავად გრ. ორბელიანისა, თუნდ ბოლონდელი ოქტომბრის „ცისკარის“ „ო... დარდები“; აბა, ყურადღებით წაიკითხეთ რა პოეზიაა მაგ ურითმო ლექსშია! თვალწინ წარმოგიდგებათ ის ჩათუქესანი თბილისის ქართველი, რომლის ნატვრა და სამოთხე კახური ღვინოა, სიყვარული და ორთაქალის ბალები. აბა, ნახეთ ის ქართველი პაქარნი, ნაბადწამოსხმული, ლოთურად ჩითმერდინით ყელზე, როგორ გულმოდგინეთ შეჰყურებს თავის საყვარლის ფანჯრებს. ვინც კი დაუშლის, აღრინდება და ეუბნება: „მოდი, ამ ვირს ეშხე ელაპარაკე!“ რამდენი ნამდვილობა და ჭეშმარიტებაა მის წმინდა ქართულ პოეტურ დარდებში, კვენესაში და ნატვრაში! პოეზია განსახიერებაა ჭეშმარიტებისა, ცხოვრებისა და არა ჯაჭვი უთავებლოდ გადაბმული რითმებისა“<sup>1)</sup> ილია ჭავჭავაძემ ეს აზრი გრ. ორბელიანის ლექსების შესახებ თავის მოხუცობის ემსაც, 1892 წელსაც გაიმეორა, როცა სწერდა, რომ გრ. ორბელიანი „ო... დარდებო“, „ლოპიანა“, „მუშა ბოქულაძე“ თითო თითო პოემათა ღირსო.<sup>2)</sup> როგორც ვხედავთ აქ ილია გრ. ორბელიანის პოეზიის „ნამდვილობას“ იწონებს და ის ცხოვრების ჭეშმარიტ განსახიერებად მიაჩნია.

გიორგი წერეთელმაც ი. ჭავჭავაძის აზრი გაიზიარა. 1863 წელს ჟურნალ „საქართველოს მოამბეში“ ის სწერდა: „შექპარის დრამების გასაგებლად, საზოგადოებას იმდენად უნდა ჰქონდეს ესთეტიური გრძნობა გახსნილი, რომ შეეძლოს მის დრამებში თითქოს ღვთაებრივი ხელით აღმოხატული ცხოვრების ჭვრეტა, კაცის ისე ღრმად და ვრცლად გაგება, როგორც ის არის ნაჩვენები მის დრამებსა და კომედიებში. აბა ერთი მითხარით რამდენ სტატიებში აუწყა საზოგადოებას ცისკარმა ამ პოეზიის მნიშვნელობა, ან მისი ისტორიული არსება და ცვლილება, თუ როგორი შეხედულება ჰქონია ელინელთ ქვეყანაზე, ან როგორის გრძნობით ეყრებოდნენ ბუნების ზედმოქმედებას, ან თუ რა არის პლასტიკური გრძნობა, ურომლისოდაც პოეტისაგან არ შეიძლება რეალური ცხოვრების მართლად ჭვრეტა. აბა სად გვიჩვენა ის პლასტიკური გრძნობა, რომელიც გამოსჭვერს... თ. გრ. ორბელიანის სწორედ ხალხურის ელემენტით სავე პოეტურ გრძნობებში, სადაც ასე აღტაცებით არის გამოყვანილი, თუ რას შეჰხარის ქართველის გული“.<sup>3)</sup>

ეს ლირიკა ერთი პოლუსი იყო გრ. ორბელიანის პოეზიისა. ეს პატრიციული ბუნების ადამიანი შეჰხაროდა მდაბიო ხალხის გულწრფელ სიყვარულს, რომელშიც არაფერი იყო თვალთმაქცური და გამოგონილი, ცივილიზაციის მიერ შერყენილი, თითქოს ისინი იმ ადამიანის თვალთ შეჰყურებდნენ ქვეყანას, რომელიც პირველად გაჩნდა ამ მიწაზე. უნდა ვიფიქროთ, რომ ეს პოეტის გემოვნების პრიმიტიულობა კი არა, უფრო გატაცება იყო. მიამიტი ყარაჩოღელები გრ. ორბელიანის ლექსების ყველაზე საყვარელ გმირებად იქცნენ. ამპარტავანი გენერალი თავის ლექსებში უბრალო ხალხის ფიქრსა და სევდას დასტრიალებდა, მირზაჯანას, დიმიტრი ონიკოვის, ლოპიანას პირით სიცოცხლის აზრის, ადამიანის მიზნების გამოხატვასა სცდილობდა. „მუხთალს ამ

<sup>1)</sup> ი. ჭავჭავაძე — ნაწერების სრული კრებული, ტ. IV, გვ. 20-21.

<sup>2)</sup> იხ. იქვე, გვ. 255.

<sup>3)</sup> გ. წერეთელი — თხზულებათა სრული კრებული, ტ. I, სიმონ ხუნდაძის რედაქციით. გვ. 21.

სოფელს, ვისაცა გსურს იყო ბედნიერ, სიყვარულითა და ღვინითა ჩემებრ და-  
ითვერ... თორემ გონებით გინდ ცა მოვლო, ჩემებრ იქნა მტვერ“ — ეს იყო ამ  
ადამიანების ცხოვრების ფილოსოფია. ეს მსოფლშეგრძნობა გამოხატა გრ.  
ორბელიანმა თავის პირველივე ლექსში:

„ჰე კაბუკო სისარულით  
დღე შენი განატარე,  
იმხიარულე, შეეჭეც,  
ილხინე და შეიყვარე.“

ეს უძველესი ფილოსოფია იყო. ბერძენთა ისტორიკოსის დიოდორე სიცი-  
ლიელის თქმით ეს სიტყვები ამოჭრილ იყო თურმე ჯერ კიდევ მეფე სარდა-  
ნაპალის საფლავის ქვაზე და მას შემდეგ ვინ იცის რამდენმა თაობამ გაიმეორა  
ის!

მაგრამ გრ. ორბელიანთან ეს კვლავ ცოცხლად და ახლებურად ისმის,  
რადგან პოეტმა წარსული კი არ გაიმეორა, თავისი აწმყოს რეალურ სურათებ-  
ში გამოჰკვეთა ეს სოფლშეგრძნობა, თუ ალ. ჭავჭავაძის ლექსებში აქაიქ კი-  
დევ გვხვდებიან ანტიკური აპოლონი და ამური, გრ. ორბელიანთან ყოველ-  
გვარი პირობითობა განდევნილია. მისთვის წინანდლის ვარდი აღარ იყო უბ-  
რალო პოეტური მეტაფორა, არამედ ნაცნობი ლამაზი ქალი იმ ხალხის წრი-  
დან, რომელიც მისი ლექსის თემაც იყო და პირველი დამფასებელიც.

თავისი რეალიზმის მიუხედავად, გრ. ორბელიანის ამ ლექსებში, მაინც  
უნდა ითქვას, რომ ხშირად ჰედონისტური ექსტაზი სჩრდილავს ფხიზელ სა-  
ზოგადოებრივ ინსტინქტებს. მეორეს მხრივ, საქმე იმაშია, რომ ყარაიოლეო-  
არ შეიძლებოდა ქართველი ხალხის ნამდვილ წარმომადგენლად მიგვეჩნია, ეს  
იყო უწარსულო და უმომავლო ფენა ხალხისა და ამიტომ მეტად ვიწრო იყო  
მისი ჰორიზონტი. ამას თითონ პოეტიც მშვენივრად გრძნობდა და მარტო ამ  
სფეროში მას არასოდეს თავი არ შეუზღუდავს. მის პოეზიაში უფრო სერიო-  
ზული, უფრო მაღალი იდეებიცა სჩანს. ის ამდიდრებდა და აფართოებდა ქარ-  
თული პოეზიის სფეროს, მის ლექსებში გაბრწყინდა ევროპის ახალი ლიტე-  
რატურის შუქიც; გოეტეს ხმაც ქართულ ლიტერატურაში პირველად ორბე-  
ლიანის ლექსიდან გვესმის, მან სთარგმნა ლერმონტოვიდან გოეტეს „მთანი  
მაღალნი“, რომელიც გოეტეს თავის მხრივ ძველი ბერძენების პოეტის, ალკმა-  
ნის ძლიერი გავლენითა ჰქონდა დაწერილი.

მაგრამ ყველაზე ერთგულად გრ. ორბელიანი ქართულ ლიტერატურის  
ძველ, რუსთაველურ ტრადიციებს ავრძელებდა.

როგორც ანტიური საბერძნეთისა და რომის ლიტერატურა ევროპის სა-  
შუალო საუკუნეების ხანგრძლივი ძილისაგან გამოფხიზლების ხანს წაუბაძვე-  
ლი სილამაზის ნიმუშად და სიციცხლის სიყვარულის სიმბოლოებად იქმნა  
მიჩნეული, ასევე რუსთაველის პოეზიაც — აზრისა და გრძნობის, მზიური ოპ-  
ტიმიზმის დაუშრეტელი ზღვა — ყველაზე უფრო ქართული და ყველაზე უფ-  
რო საკაცობრიო პოემა — პოეტური სკოლა იყო, რომელიც ზრდიდა ქართულ  
პოეზიის ოსტატებში მშვენიერებისადმი სიყვარულს, ღრმა აზრისა და ელე-  
გიურობის, ჰაეროვნებისა და პლასტიურობის გრძნობებს, ქვეყნის რეალურად  
განსჯვრეტას და თავის ზეგავლენით უზრუნველყოფდა ქართული ლიტერა-  
ტურის თვითმყოფადობას. გრ. ორბელიანის პოეზიაში რუსთაველის გავლენა  
ცალმხრივი იყო, შეიძლება ითქვას დაჩრდილოელი, მაგრამ ამ გავლენის არდა-

წახვა მაინც შეუძლებელია. რუსთაველის პოემაში უძლიერესი და უნაზესი სიყვარულის გრძნობა, როგორც მზის შუქი, ისე მიუძღვის ადამიანებს წინ, ცხოვრების ძნელ და ბნელ გზაზე; და ამ გაგებას იზიარებს გრ. ორბელიანი.

„სიყვარული აგვამალლებსო“ ამბობდა რუსთაველი. გრ. ორბელიანი სწერდა სიყვარულის შესახებ:

„რომლის შუქი აგვამალლებს, რომლით სული განათლდება,  
რომლით კაცი მშვენიერობს, მაშინ თვით ღმერთს ემსგავსება“.

ეს უმალღესი სიყვარულის გრძნობა მძაფრად გამოსთქვა გრ. ორბელიან-მა ლექსში „გამოსალმება.“ აქ პოეტი ორგვარ სიყვარულზე მოგვითხრობს: ერთია სიყვარული იმათი, ვისი გულიც უძლურია. ასეთი სიყვარულით, — ამბობს პოეტი, — მთიდან გადმოქანებულ წყაროსა ჰგავს, რომელიც რაც უფრო შორს მიდის ველზე, რაც უფრო გაიშინდვრებს მით უფრო უძლურდება, ფერ-მკრთალდება, თავისი ეშხი და ძლიერება ეკარგება. ასეთი სიყვარული გაქრება განშორებით და მერე მას ლხინი მოსდევსო. თავის სიყვარულზე კი პოეტი სწერს:

„რა ჩემებრ გული კლდოვანი მიიღებს ეშხის ბეჭედსა,  
ღრო იმას ველარ შეჰმუსრავს, თუ არ შეჰმუსრავს თვით კლდესა“.

ეს რუსთაველის დიდებული და ვაჟკაცური ადამიანების გრძნობაა, ადამიანებისა, რომლებიც მაგრად დგანან მიწაზე. რუსთაველისათვის ეს წუთისოფელი ცოდვისა და წაწყმედის მურტალი სამყოფელი კი არ არის, როგორც ამას ქრისტიანობა ქადაგებდა, არამედ „ტურფა საბაღნაროა“, სადაც ადამიანები ყვავილებივით იფურჩქნებიან. არა საფლავებისა შინათა, არ მიღმა ქვეყნად არის ადამიანების ხსნა, არამედ რეალურ ცხოვრებაში, რომელიც უთვალავი ფერიითა შემკობილი და გადაშლილი.

და ეძნელება ადამიანს ამ ტურფა საბაღნაროს დათმობა. ამით არის ნაკარნახევი გრ. ორბელიანის ჩივილი: „მაშინ ვჰსცან ჟამნი სამოთხის, რომ ამა სოფელს არიან, მაგრამ ახ, ჟამნი მის ტკბილნი ასე მალიად რად ჰრბიანო“.

არა მარტო სიყვარული ამაღლებს ადამიანის სულს, არამედ ბუნება. ბუნების სისპეტაკესა და სილამაზეში პოეტი ხედავს პროტესტს იმ მტრობისა და შურისძიების, იმ მძვინვარებისა და ომების მიმართ, რომელიც ადამიანებმა ერთი-მეორის გასანადგურებლად გამოიგონეს. „სადღეგრძელოს“ დასასრულში მოცემულია სურათი გათენებისა; ქრებიან ცაში ვარსკვლავნი, ვარდისფრად იღვებება აღმოსავლეთი, მოჰქრის დილის ნიავი, ათასის ზმებით ეგებებიან განთიადს ფრინველები, ფოთოლთა შრიალით და ყვავილთა ფშვინვით ლამაზად იღვიძებს მიძინებული ბუნება. და ამავე დროს ჯარიც ემზადება საომრად:

„ურდოც შეიძრა... ხმაურობს... დაჰკრეს ნაღარა ცისკრისა...  
განემზადება საომრად რაზმი და რაზმი ჯარისა!  
აი თოფიცა გაეარდა... აი რბის ცხენი მხედრისა!  
ამ მშვენიერსა დილასა, კაცს რად სურს სისხლი კაცისა“.

აქ ბუნება ნაჩვენებია, როგორც სიმბოლო მარადიული სათნოებისა და სიკეთისა, როგორც უმშვენიერესი ხატობა, რომელსაც დაშორდა ადამიანი და თავის წერილმან ვერაგულ შურისმაძიებელ ინსტიქტებში ჩაინთქა.

გრ. ორბელიანი საქართველოს ბუნების დიდი მხატვარია. მისი ლექსები ბუნებაზე და განსაკუთრებით „სალამო გამოსალმებისა“ მთელი სიმძაფრით

განგვაცდევინებენ პოეტურ ნაღველსა და სიხარულს. აქ გრძნობა გულწრფელია, ცოცხალი და ძლიერი. „სალამო გამოსალმებისა“ — ში თითქოს ის მზის სხივები ბრწყინავენ, ყაზბეგს რომ თავს დასტრიალებენ და მკითხველს თერგის გოლიათური სუნთქვა ესმის. და იმავე დროს რა კარგად არის აქ გამოთქმული განშორების სევდა და უნაზესი სიყვარული პოეტისა. ამ ლექსმა შთაგონა ახალგაზრდა ილია ჭავჭავაძეს ბევრი შესანიშნავი სახე „მგზავრის წერილებისა“. რუსეთიდან მომავალ ილიას თავის სამშობლოში ფეხის შემოდგმისთანავე გრ. ორბელიანის ეს ლექსი ახსენდება და მისი რიტმი თერგის ქექაქუხილის, მისი ზარიან ხმაურობის, მისი შფოთვისა და ფოთვის, მისი ქვეკლდე-ღრესთან გაუთავებელი ბრძოლის სახით ეხატება. და განა ილიას სიტყვები „ერთად ერთი ვარსკვლავი მეტად ბრწყინვალე, ზედ დაჰნათოდა, ერთს ალაგას გაჩერებული. თითქო მყინვარის დიდებულ სახეს განუცვიფრებია“, არ ეხმაურება გრ. ორბელიანის სტრიქონებს?

„მხოლოდ სჩანს მთანი მღუმარედ აყუდებულნი ცათამდის  
და ყაზბეგსა საამოდ ზედა ვარსკვლავი დაჰნათის“.

ასე შეხვდა ეს ორი დიდი პოეტი ერთი მეორეს.

ხალასი და უმუალოა გრ. ორბელიანის მიერ შეგვრძნობა ბუნებისა. დასკჷრის რა ტაბახმელიდან თითქმის ნახევარ საქართველოს მთებსა და მწვეანესალიჩასავით დაფენილ ჯეჯილებს, ჭალარა ყაზბეგსა და მის ბუმბერაზ ძმებს, რომელნიც მზის აღმაცერად დარტყმული სხივებით განათებულან, ღრუბლებიდან თავი ამოუყვიათ და პირდაპირ ტაბახმელას უცქერიან, თუშეთის მთას ბორბალოს, გომბორსა და ცივს, რომელნიც პერსპექტივაში დედოფლის წყაროსაკენ იკარგებიან, პოეტი პათეთიურად გაიძახის:

„... ტაბახმელავ, ლამაზო ტაბახმელავ! ქვეყნად ერთია ტაბახმელა!

... გულს როგორღაც ეფონება, დიდი ხნის დავიწყებული სურვილი კვლავ იღვიძებს: მინდა ვმდეროდე, ვსეირნობდე, ლამაზ მანდილოსნებთან ვიყო, ერთი სიტყვით მეტად საამურ გუნებაზე ვარ“.

ბუნება სიცოცხლისა, ხალისისა და სიამოვნების დედაა. თავის პირად წერილებში პოეტი სწერს არა მარტო იმაზე, თუ რამდენი ქერი მოდის კოდაზე, არამედ მის საგაზაფხულოდ ამწვანებულ მინდვრების სილამაზეზე და მთვარეზე, რომელიც „გაბადრულ ამოდის მძიმედ, ზელმწიფურად შუქისა მომდენი“. და განა ლექსებშიც ამ სურათებს არა ზატავს? ეს არ არის მისტიკური და რომანტიული ქვერეტა ბუნებისა, ეს უბრალო ადამიანური გრძნობაა, ნაცნობი ყველა მომავლადვისათვის, მაგრამ გამოთქმული ისე, როგორც მხოლოდ რჩეულებს შეუძლიათ. ის ხედავს და ზატავს ბუნებას, მაგრამ არ ეძებს მის საიდუმლო ენას.

როგორც იმ ეპოქის ყველა დიდ პოეტისათვის გრ. ორბელიანისათვისაც ბუნების სიყვარული გათქვეფილია პატრიოტიზმთან. მისი პეიზაჟი დაკავშირებულია სიტყვა — მამულთან. პოეტი შესტრფის შიდადმოს „სად აგვეხილენ პირველთ თვალნი“, „სად ჰრბიოდა მხიარული სიყმაწვილე ნათლად ჩენი“, სადაც მორთულია ლაქვარდისფრად ცისკამარა, მთვარით განათებული ვარსკვლავიანი ფარუზი და ზურმუხტოვან ველებზე გახარებული მორბიან წყარონი, ზოლო ცამდე ასულ მთებზე მონადირე სდევს ჯიხეს და მის დაბლა,

მის ფეხ ქვეშ ღრუბელნი მიმოდიან. და პოეტი ალტაცებული ამ ქვეყნით, —  
წერს:

სხვა საქართველო სად არის, რომელი კუთხე ქვეყნისა,  
ერი—გულადი, პურადი, მებრძოლი შავის ბედისა?!  
შავთა დროთ ვერა შესცვალეს მის გული ანდამატისა,  
იგივ მხნე, იგივ მღერალი, მოყვარე თავის მიწისა“.

ეს სევედა, ნაღველი არ არის, ეს სიამაყეა თავისი ქვეყნით, ეს პირველყოფილი სიყვარულია მიწით და სამშობლოთი და არა დასავლეთის რომანტიკოსის ქანცმიღებული ექზალტიურობა. აქ სამშობლოს სიყვარული აბსტრაქტიული იდეიდან გადასული და განსახიერებულა უკვდავ და მარად მწვანე, ყოველკუთხესა და ყოველ მანძილზე ულამაზეს და განუმეორებელ ბუნების სიყვარულში.

✱  
\* \*

და ამ სილაღესა და უზრუნველობასთან ერთად გრ. ორბელიანი ღვიძლი შეიღია იმ რომანტიზმისა, რომელმაც მეცხრამეტე საუკუნე თავისი ცრემლებითა და ოხვრით აავსო.

პოეტის ყრველი სიხარული სათავეშივე მოწამლულია იმ შავბედიტობისგან, რომელიც დაღად აჩნდა მაშინდელ საქართველოს. გრ. ორბელიანის ლექსს თავიდანვე გამოჰყვება ტრაგიკული ინტონაცია. მისი ტემპერამენტი არ ეთანაბრებოდა, ვერ ურთავდებოდა ამ ტრაგიზმს. ამიტომაც პოეტი გაორებული და ერთი, თავიდანბოლომდე გაუღუნავი ხაზი არა ჩანს მის პოეზიაში. ერთის მხრივ იმედდაკარგულობა და უსასოო ჭმუნვა, მეორეს მხრივ სასიცოცხლო ოპტიმიზმი; ერთის მხრივ მუხამბაზი და მეორეს მხრივ ფსალმუნი; ერთის მხრივ ტფილისელი მოქალაქის დარდიმანდული შექცევა და მეორეს მხრივ უდაბნოში გახიზნული ასკეტის მარტვილობა. ერთი სალზინო, საამქვეყნო განცხრომის ჰიმნი და მეორე — რელიგიური სიმშვიდე და ნეტარება, რომელიც ამ ქვეყანას ფუჟ და წარმავალ ამაოებად აცხადებს. ეს არის რაღაც უცნაური შეერთება გლოვისა და სიხარულის, მოთქმისა და უშუალო ლირიკული ექსტაზისა.

და მუხამბაზური კილოც სწორედ მწვავე ტკივილებს ერთი წუთით მაინც ჩასაქრობად იყო ნამღერები, და მაინც ვერ ანელებდა მძიმე სევდასა და ნაღველს. ახალგაზრდობის ხანშივე გრ. ორბელიანი მიმართავდა წინაპრებს, რომ თქვენი მხნეობით ალტაცებული ჭაბუკი ხმალს მისწვდებო. ამას როცა სწერდა, შეიძლება იმ აჯანყების იმედი ჰქონდა, რომელსაც ოცდაათიან წლებში ამზადებდნენ. მაგრამ ხმალზე ხელის წატანებაც ვერ მოასწრეს, რომ ეს სუსტი ნაშიერნი ძლიერი მოდგმისა აქეთ-იქით გაფანტეს, და ამხელად დაიკარგა ყოველგვარი იმედი. მარტო წარსული დარჩა, მაგრამ სამუდამოდ დაკარგული. პოეტის ცხოვრება კი გარეგანი ბრწყინვალეობით იმოსებოდა; გაიარეს კავკასიის ომებმა, გაიარა მთელმა ცხოვრებამ და მოხუც პოეტს კვლავ კერაჩამქრალი და გავერნებული ბეთანია უფრო მეტ შთაგონებას აძლევს, ვიდრე ირველივ მოზეიმე ცხოვრება. რომანტიზმის ფილოსოფიაში შორეული მოვლენები, შორეული ადამიანები, შორიდან დანახული მთები უკვე თავის თავად პოეზია, ისე როგორც ყველა ხმა, რომელიც შორიდან ისმის — ვოკალურია. დრომ და უმთავრესად ქვეყნის ბედმა საჭირო გახდა წარსულისკენ მიხედვა.

გრ. ორბელიანს ეს წარსული რომანტიზმის ნაღვლიან გრძნობას ყველაზე უფრო მძაფრად გამოხატავს ლექსი „თამარ მეფის სახე ბეთანიის ეკლესიაში.“ ჭმუნვით აღსავსე პოეტი მიმართავს თამარის სახეს:

„მიხარის გიმზერ, ვწუხვარ და გიმზერ  
ღა ესრეთ მზერა მსურს სიკვდილამდე“.

საქართველოს წარსულს პოეტი მიიჩნევს „განვლილ ტკბილ სიზმრათ“ და „დიდებულად ჩასვენებულ მზედ“. მის გულში ხანდისხან მაინც რაღაც იმედის ნაპერწკალი ბეუტავს, მეორე წუთს კი შემზარავი განწირულება ეუფლება. საქართველოს გაღვიძებასა და განახლებაზე ოცნების შემდეგ იგი მიმართავს თამარის სახეს:

„...ცად თვალნი, გაქვს მიქცეული,  
და მე ველარ მცნობ გულშემუსვრილსა,  
დამცირებულსა, ხმა-მიღებულსა  
ბედდაკარგული ივერიის-ძეს.  
ეჭვით აღვსილსა, უსასოთ ქმნილსა,  
გულუმიდლოს, გაუხარებელს“.

ეს სკეპტიციზმი და იმავე დროს სიყვარული საშმობლოსი გრ. ორბელიანს აახლოვებს ევროპის რომანტიკოსებთან, რომელნიც ასევე ეტრფოდნენ წარსულის ნანგრევებს, ცდილობდნენ საუკუნეებით უკან დაებრუნებინათ ქვეყანა და ისტორიის ძაფი ხელახლა დაეწყათ. ცხადია, არ არის შემთხვევითი, რომ გ. ორბელიანის შემოქმედებაში ყველაზე უფრო წარმტაც სახედ და იდეალად თამარის დროება მოსჩანს. ამ თემას ეძღვნება ზემოხსენებული ლექსი და ადგილები „სადღევრძელოში“. თამამად შეიძლება ითქვას, რომ ეს ტრადიციული თემა ორბელიანმა დიდი ოსტატობით განასახიერა.

ამ რომანტიზმს აქვს თავისი პოლიტიკური კონცეპცია, რომელიც დაცული არ არის „სადღევრძელოში“. იმ დროინდელ პატრიოტულ რომანტიზმს სხვა მიზანი ჰქონდა, მამა-პაპათა სახელოვანი საქმეების გახსენებით იგი ხალხში გმირული სულის გაღვიძებასა და დამპყრობელთა წინააღმდეგ ბრძოლის ცეცხლის დანთებასა ცდილობდა. ეს ითქმის კერძოდ ლეოპარდის, მიცკევიჩის, კრასინსკის და სხვათა პატრიოტული რომანტიზმის შესახებ. გრ. ორბელიანის წინააღმდეგობებმა აქაც და შეიძლება ითქვას ყველაზე მძაფრად იჩინა თავი. ჩვენ ვგულისხმობთ იმ ოდას ნიკოლოზ პირველის მიმართ, რომელიც შეტანილია „სადღევრძელოში“ და რომელიც საერთოდ არ შეესაბამება ამ პოემის მთლიან იდეას.

მაგრამ საქმე იმაშია, რომ „სადღევრძელო“ იწერებოდა 1826 წლიდან 1870 წლამდე. პოემის პირველი ვარიანტი არ ყოფილა შემდგრებული ოფიციალური პატრიოტიზმით, მასში არ ყოფილა ნიკოლოზ პირველისადმი მიძღვნილი ოდა, რომელმაც შემდეგში აზარალა ეს პოემა.

„სადღევრძელო“ ცდაა საქართველოს ისტორიის ქრონიკების მხატვრული გაცოცხლებისა. ეს ლექსად ნათქვამი „ქართლის ცხოვრების“ ცალკე ნაწყვეტებია. მასში იხსნება აჩრდილი ფარნაოზისა, მეფე შირიანის, „მუზარადზე მგელლომ გამოსახული“ ვახტანგ გორგასლანის, დავით აღმაშენებლის, რომელმაც შირვანზე და დერბენტის მიწებზე ხმლით შემოხაზა საქართველოს საზღვრები, თამარ დედოფალი, სჯულის წიგნის ავტორი ვახტანგ მეექვსე, მოხსე-



ნებული არიან ასპინძის გმირები და თავგანწირული სამასი არაგველი, მოხსენებულია ძველი ქართული ლაშქარი.

მაგრამ „სადღეგრძელოში“ წარსულის მარტო ის ფურცლებია გადაშლილი, რომლებიც აღბეჭდილი იყო ტრიუმფითა და დიდებით, თამარისა და ირაკლის სახელებიც აქ ისმის როგორც ლირიკა, როგორც განყენებული გმირული პათეტიკა. აქ არ იყო ნამდვილი ისტორიზმი, არ იყო ბრძოლისკენ ძახილი. უიმედობამ მთლიანად დაიუფლა პოეტი და სიცოცხლის უკანასკნელ ხანებში, უკანასკნელ ლექსად ეს ოთხი სტრიქონი ათქმევინა:

„დავბერდი, ბედს ვერ მოვესწარ,  
დაემხო ჩემი სამშობლო,  
გულს მიკლავს უიმედობა,  
საფლავს ჩავდივარ სიმწარით“.

ეს არ იყო ერთი წუთის განწყობილება. მთელი თავისი ხანგრძლივი სიცოცხლის განმავლობაში ამ თავის სევდას უზიარებდა პოეტი საქართველოს. მის თვალწინ ახალი თაობები გამოვიდნენ ქართული მწერლობის ასპარეზზე, რომანტიკოსების თაობა თერგდალეულებმა შესცვალეს, სატკივარი და სამწუხარო კი ყველას ერთი ჰქონდა და აი სწორედ ეს მწუხარება ჩაიტანა პოეტმა სამარეში.

**1940 წ. იანვრიდან „ჩვენი თაობა“ გაგზავნილ  
ყოველთვიურად**

**ხელის მოწერის პირობები**

წლიურად . . . . . 18 მან.

ნახევარი წლით . . . . . 9 „

ცალკე ნომერი . . . . . 1 მ. 50 კ.

ხელის მოწერა მიიღება სახელგამის ყველა მაღაზიაში, სოიუზპეჩა-  
ტის რაიბიუროებში და სახელგამის პერიოდ-სექტორში.

**კვლევის მისამართი:**

ტფილისი, მაჩაბლის ქ. № 13, მწერალთა კავშირი.

№ 553 1 2. 50 ჯ.

№ 553  
1940



Ежемесячный журнал  
**„ЧВЕНИ ТЛОБА“**  
Сахелгами 1940 г. Тбилиси